

牙



山水二

第四冊

濟南府志卷五

山水一 山

按濟南山脈其說有二一說自西而東則以泰山爲主一說自東而西則以長白爲主岳通志云泰山之脈由遼東旅順口渡海而來三山大澤爲岱脈之所聚崑崙原山爲岱脈之要樞又西入章邱爲黑牛嶺長城嶺西南入歷城爲梯子山嶺絡羣峯爲岱宗北障此千古不易之論也第就濟南所屬而言有名山者七縣長清歷城連泰山而分其支麓鄒平長山則分別起之長白山章邱亦連泰山亦分長白淄川分長白不連泰山新城不連長白承泰山支麓之委而分其餘此濟南山勢之大畧也然通志載濟南屬有山之州縣凡九則德州之方山德平之基

濟南府志

卷五

山水一  
歷城 山

一

山雖培塿土阜在所不遺亦泰山不讓土壤之意云爾

又按舊志泰山本屬濟南自陞泰安州爲府泰山始不居疆域之中今府屬與泰安分界之山起於長清中於歷城訖於章邱其起訖皆以長城嶺水經注平陰城南有長城東至海西至濟河道所由名曰防門去平陰三里齊侯暫防門卽此也防門北有光里齊人言廣音與光同聶氏泰山道里記仙臺嶺北有石臺二曰南拱北拱遙相對峙唐氏岱覽云踰嶺而北則靈巖現瑞東西分峙矣按靈巖屬長清琨瑞屬歷城是踰嶺而北卽長清歷城分界處也府西南與泰安分長城嶺者自長清始而通志及舊志載山川則仍曰歷城始

歷山在歷城縣南五里舊志云一名舜耕山古有舜祠隋開皇間因石作形鑄成佛像又名千佛山建寺於上通志云或云乃仙祓訛音也後人於山椒立虞帝殿以娥英配享焉

元于欽齊乘口圖記皆謂齊之南山爲歷山舜所耕處故其城名歷城爲信然也或者不此之論乃備載陸魯望象耕鳥耘之辯可見其啓歷山南屬泰山東連琅邪崇岡疊嶂脊脈不斷欽嘗有詩云濟南山水天下無晴雲曉日開畫圖羣山尾岱東走海鵲華落星青照湖此濟南山勢也

舊志云按一統志歷山一在山西蒲州一在東昌濮州與濟南者凡三見皆稱舜耕處史記舜耕歷山鄭康成釋歷山在河東曾南豐記云在齊者是也

濟南府志

卷五

山水一  
歷城山

二

大佛山在歷城縣東南十里舊志云一名佛慧山上有文筆峯中爲開元寺在昔名賢多讀書其中縣志云或曰卽歷山非也山之西爲羅家寺山之陽爲圍馬場又云大佛山頂明萬歷初平太守康裕建塔以助文明之氣

華不注山在歷城縣東北十五里舊志云左傳成公二年晉卻克及齊頃公戰于鞍齊師敗績晉師逐之三周華不注卽此又云從齊師至於靡笄之下逢丑父與公易位使公下如華泉取飲則此山亦名靡笄地記亦名金輿酈道元水經注云單椒秀澤不連邱陵以百高虎牙築立孤峯特拔以刺天青厓翠發望同黠黛信然山前道院中有石刻太白諸賢詩院前卽華泉縣志云山有金牛洞山下華泉昔流入於濟今涸矣

顧炎武山東考古錄云華不注伏琛三齊記云不音跗謂花蒂也言此山孤秀如花跗之注於水也按詩箋云承華者鄂不當作跗鄂足也疏云華下有鄂鄂下有跗也古音不跗同齊乘華不注亦名靡笄山非也較在華不注之西而靡笄又在其西金史長清有麕笄山

按歷城縣志載李吉甫元和郡縣志云華不注一名華山不讀如字今檢元和郡縣志中並無此語不知胡氏何所據而云然也

峭山在歷城縣北十五里濼口鎮舊志云其山無峯望之如翠屏俗傳每歲七八月閒鳥鵲翔集滿山王繪太白詩注云扁鵲煉丹於此縣志云鵲山下有鐘鼓二石樵夫牧兒爭往擊之聲聞

濟南府志

卷五

山水一  
歷城山

三

數里又云大清河經鵲山南華不注山北而東北注濟陽界

玉函山在歷城縣南二十里舊志云泰山之北麓也酉陽雜俎云齊郡函山有鳥名玉母使者漢武帝登此山得玉函一枚帝下山玉函化爲白鳥飛去世傳山上有玉母藥函白鳥守之因號函山有九十九谷又名臥佛山上有碧霞殿通志云山南有藥珠泉山東北有花山峪縣志云函山有風洞

奎山在歷城縣西南十五里舊志云三齊記奎山公神似豬頭戴珠冠殷時有道士隱此野火四發道士祈天卽雨今人遇旱燒山禱雨多應

匡山在歷城縣西北十二里舊志云山形如筐唐李太白讀書於此通志云筐山縣志云計敏夫唐詩紀事云太白隱居戴天大

匡山故杜詩云匡山讀書處頭白好歸來學者多疑太白爲山東人又以匡山爲匡廬皆非也

藥山在歷城縣西北十二里舊志云上有九峯並列其下有洞上有蜘蛛石下有蝦蟆石山上出陽起石本草謂山無積雪草木長青蓋繇陽氣薰蒸使然縣志云卽隋書之盧山一名齊山又名雲山又云藥山前兩土山爲日月輪山

粟山鞍山並在藥山南舊志云左傳晉伐齊師陳于鞍卽此也

山東考古錄云穀梁傳曰鞍去國五百里在今平陰東四五十里其去華不注山一百三四十里

鮑山在歷城縣東三十里舊志云山下有城鮑叔牙食邑也明李于鱗白雪樓故址在鮑城前縣志云山南有蓮花峪

濟南府志

卷五

山水一  
歷城山

四

標山在歷城縣西北八里舊志云山石並立如標故名元張養浩有記

茂陵山在歷城縣東八里舊志云山有五峯又名五頂茂陵山

馬鞍山在歷城縣西南四里舊志云形如馬鞍上有王母廟三月

三日爲蟠桃會士女雲集又名會仙山縣志云南有八里山

赤霞山一名四里山在馬鞍山西

九里山在歷城縣東北九里通志云俗名臥牛山舊志云韓信破

歷下嘗駐軍於此

臥狼山在歷城縣西南十五里舊志云其上有一穴產五色文石光

明可鑑又名寶石山通志云中有馬武寨縣志云史稱武未遇

光武時綠林渠寇流劫至此旗墩石甕猶存山麓有廟嶺爲諸

村樵徑又云臥狼山巖下有真武洞明萬歷開羽士寶車所關  
臥虎山在歷城縣西南五十里舊志云岱北諸谷之水至山下始  
合論形勝者以此爲三川鎖鑰縣志云山有黃洞

僊臺山在歷城縣南四十里舊志云相傳漢武帝曾於此望祀蓬  
萊上產羊肝石板石通志云泰山北界

龍洞山在歷城縣東南三十里舊志云又名錦屏山齊乘曰山如  
重甌西洞透深一里許秉火可入東洞在萬仞絕壁之上洞口  
釜鬻尚存煙火之跡如墨蓋昔人避兵引縵以上中必有泉不  
知其深幾許耳有翠屏巖獨秀峯三秀峯峯側龍祠郡邑禱雨  
極應宋元豐閒封爲順應侯後加封靈虛公九域志又名禹登  
山謂禹治水嘗登元張養浩有記通志云下有黑龍潭懸珠泉

濟南府志

卷五

山水一  
歷城山

五

縣志云龍洞在禹登山西巖內透深里許壁閒調御悉出天成  
大爲奇觀錦屏巖在東上有錦屏春曉四字白雲峯在龍洞東  
一名白雲頂白雲洞在龍洞莊西老君崖在龍洞莊南峭壁撐  
雲危峯墮水遊龍洞者至此始奇

荆山在歷城縣東南十里舊志云松關掩映幾與歷山媲美

龍山在歷城縣西南十二里舊志云山陰一洞可供遊憩其上爲  
妙真寨宋末李全據濟南時其妻楊妙真所居

虞山在歷城縣東北五十里舊志云上有聖母祠石皆紫沙作確  
禮尤勝章邱女郎

黃山在歷城縣西南六十里舊志云檠戟排連周如城郭延亘十  
餘里爲西南藩籬通志云泰山西趾也岱陰諸峪之水奔流至

山西滙而爲池雖盈不溢伏流地中至城西忽見爲趵突泉  
紅山在歷城縣南五十里中宮鎮東舊志云上有洞神鷹護之縣  
志云山有紅孩洞一在城東四十里蓮花峪

金廬山在歷城縣東南八十里舊志云下爲朗公谷見興公碑及  
高僧傳亦呼金輿山歷城新志云當作金驢酉陽雜俎云晉僧  
朗住金榆山及卒所乘驢上山失之時有人見者乃金驢矣樵  
者往往聽其鳴響土人言金驢一鳴天下太平

屏風山在歷城縣東南八十里舊志云迤邐三十餘里丹碧映帶  
宛若屏風

馬頭山在歷城縣東七十里舊志云一名馬頭寨削壁千尋其下  
卽黃巾石屋歷城新志云又西北爲琨瑞山朗公寺在其下琨

濟南府志

卷五

山水一  
歷城山

六

瑞山見水經注一名金輿谷崑崙山或作崙字之訛也齊乘又  
名爲西龍洞山崖曰紅鶴曰千佛佛像多魏齊及唐人所鑄

青頭山在歷城縣東南五十里舊志云峻嶒出衆跨連五十餘里  
康王山在歷城縣南五十里舊志云上有太甲陵歷城新志云後  
漢志注皇覽曰太甲陵在歷山上不應在此其時南山通得歷  
之名與玉水左會錦雲川水經康王山之西爲黑水崖而北會  
於錦繡川水又云康王山東有泉水石屋下有醴泉

梯子山在歷城縣東南一百里舊志云千巖競秀諸山無出其右  
歷城新志云山有仙人洞雲梯澗錦繡川之源也

石固寨山在歷城縣南四十里舊志云四面皆險惟西南一徑可  
入南燕慕容超嘗據此下有渴馬崖南有瓢峯其形似瓢雲自

瓢出主甬自瓢入主晴俗呼爲瓢葫蘆寨西有丁公嶺渴馬崖之徑東有虎山修真觀通志云石崗寨山前有娥眉洞桃花峪下有渴馬崖東有虎山南有瓢峯旂竿嶺鳳凰山西有丁公嶺黃花寨諸勝

按以上山三十有二俱舊志所載

廟山在歷城縣東南十里通志云上有舜廟因名縣志云按晏謨三齊記云因舜廟得名太平寰宇記云後人思舜之德置廟於此齊乘云元遺山濟南行記作妙山非是

鐵牛山在城中府學門左通志云平地湧出一鐵牛掘之愈深則牛亦隨深而隱填之則仍出土面故名鐵牛山而實非山也

按以上二山舊志未載據通志補入

濟南府志

卷五

山水一  
歷城山

七

黃臺山在歷城縣北八里縣志云漢有臺縣在山之東

臥牛山在歷城縣東北十五里縣志云王雲芝學士讀書於此得

仙術又云灤水之分流經兩山閒而東北注於大清河

紫荆山在歷城縣西北十五里縣舊志云相傳田真哭紫荆處歷

城新志云按田真非縣人此俗傳之誤計去城八九里

方山在歷城縣南六十里縣志云一名方山寨舊有炤魔石鏡今

迷其處

歷城新志云方山齊乘謂疑卽水經注之玉符山玉水之得名

以經此山也

茅山在歷城縣東北十里

鴈翅山在歷城縣東八里



白馬山在歷城縣西南十五里

鳳凰山在歷城縣東四十里縣志云有玉皇宮玉女祠每當二月二十八日士女駢集石崗山南亦有鳳凰山

平頭山在歷城縣東南九十里

扶山在歷城縣南六十里歷城新志云一名南扶山有洞三曰子房曰湖音曰華陽子房洞深數里許下有地河好奇者每探之水聲潺潺則不敢渡矣錦雲川水經南扶山而北注於玉水

火焰山在楊家寨西

車脚山在歷城縣東四十里

樓斗山在歷城縣西南三十里縣志云其下爲樓斗峪

甲山在歷城縣西南二十里縣志云巖內有修行洞西有將軍嶺

濟南府志

卷五

山水一  
歷城山

八

爲展村之徑

孤山在中宮東縣志云一名香孤山有玉皇祠碧霞宮爲三川祈禱之地山後有三旛嶺東有黃崖

青山在歷城縣東南四十里縣志云與蓮花峪對西有拖綱嶺

龍集山在平頭山東

斗邊山在歷城縣東南五十里

抗頭山在歷城縣東南七里縣志云與大佛相連

按以上山十有九舊志未載據歷城舊志補入

歷城舊志云以上諸山皆知名者故特列之他如漆山之在龍山南葫蘆之在臥狼西和山之在城東龍岵之在張陵邱雪山之在鳳凰西六羅之在果老庵鈴鐺之在錦繡川將山之在鮑

山東龜山之在九曲里鋏子之在甲山東鼓樓之在文莊銅羅  
之在井冢溝破錢之在大澗溝無影之在董家莊金子之在函  
山北黍稷之在火閘南馬山之在彭家莊胡迷之在大澗西完  
備之在樓斗東琵琶之在王官莊丟山之在琵琶西桃行之在  
鍋堰北大孤之在佛慧南耙頭之在龍洞轉山之在趙家莊小  
山之在堰頭鎮土山之在邵家莊北山之在葫蘆南瓦居之在  
石欄峪娘子之在臥虎北皮狐之在鳳凰西皆培塿不暇徧列  
又如岱北諸山峻嶒倚漢動連數十里反無山名則又分別巖  
峪峯嶺詳列如左

霹靂峯在太微觀正北尖銳無倫亦名霹靂尖

交戰峯在柳埠東南二十里頂有數穴深不可測時出雲霧亦呼

濟南府志

卷五

山水一  
歷城山

九

雲洞歷城新志云岱北諸山無高於交戰峯者

天麻峯在窩鋪東一名天麻頂其高十里

松峯在窩鋪南一名松尖

王老峯在佛洞南 劈山峯在西營北一名劈山溜

丁字寨在泉瀘東頂 透明寨在孟家峪

魏花寨在中宮鎮南宋指揮魏花所居

虎頭寨在饅頭寨東巉巖險峻時吼陰風

九女寨在魏花寨南一名三媳婦寨三石壁立宛如三婦並立雲

中

黃花寨在石崗寨西一名小寨 三角寨在草溝南

香鑪寨在八達嶺西 楊廣寨在道溝南

黑牛寨在白雲寨東南峭壁二十尋俯視眾山若邱陵也歷城新志云黑牛寨東爲風門西爲燕子臺北爲大龍道小龍道天麻寨在九女寨南形勝陡絕楊家寨猶賴此爲犄角

迷魂寨在天麻寨西孤峯倚漢無路可躋

牛頭寨在迷魂寨西 黑山寨在玉皇嶺西

皇寨在天平寨東 雞山寨在東務南

饅頭寨在太甲陵東 天平寨在大水坑北

白雲寨在齊王寨東北上有白雲洞下有白雲溝

黑雲寨在黑龍峪亦名黑牛寨 弔盤寨在天山寨南

羊欄寨在黑風寨南險與黑風不異

大王寨在紅山套西南北二里許爲小王寨險可禦侮惜輔山特

### 濟南府志

#### 卷五

山水一  
歷城山

十

少耳

黑風寨在神通寺西北一人守險千夫莫近固進可攻而退可守者

齊王寨在神通寺東北一名齊家寨

馬鞍寨在黑牛寨旁 季二寨在楊家寨東南

孟家寨在季二寨南 鳳凰寨在齊王寨北

揚頭寨在函山東頂陰崖凌厲勢欲飛揚故名

油簍寨在函山佛峪

兔兒嶺在千佛山西南東卽圍馬場

大泉嶺在桃花嶺西 丁公嶺在大王寨東南

五道嶺在完備山南 八達嶺在雙井峪南

勞泉嶺在天麻寨西

桃花嶺在燕鵬窩南

大澗嶺在野河南

月牙嶺在勞泉嶺西北

旋子嶺在老鼠溝東南

白土岡在火關東南

棋子嶺在黑山寨西南東西二嶺通官木廠

拉木嶺在齊城東南

水牛嶺在商家莊南

夜叉嶺在石固寨東

草山嶺在城東十五里

北仙嶺在南仙嶺北

南仙嶺在紅山西北

赤草嶺在神通寺東

楊山嶺在丁公嶺東

玉皇嶺在出山溝東南延亘二十餘里登岱必繇之徑

長城嶺在岱陰卽齊之鉅防歷城新志云泰山之後爲長城嶺春

秋齊魯之界西起平陰東盡於海歷城之山無慮皆分自長城

濟南府志

卷五

山水一  
歷城山

十一

嶺矣嶺南水皆南流其北水皆北流故又名分流山

鐵角嶺在大泉嶺西

蘆芽嶺在桃花嶺南

豬頭嶺在大澗嶺西

黃山嶺在井家溝西南

旛杆嶺在上井東龍洞之徑一名煙霞嶺

瓦子嶺在齊城峪徧山皆瓦礫相傳爲秦皇行在登岱後徑

罈口嶺在月牙嶺西

小澗嶺在望米臺北

麻搭嶺在大名北

鐵牛嶺在兩仙溝東

遮火嶺在黍穰正南

石河嶺在張陵邱西

龍岡在梨峪西北

白土岡在火關東南

黃岡在城西十里

蘇家岡在城東四十里

七里岡在城南七里

西佛峪在函山西北丹柿滿谷異境天開其內有藥珠泉

東佛峪在龍洞東南五里內有般若寺泉出厨間雲生殿內尤爲勝絕

風兒峪在臥狼山西崖懸雙洞面壁孤峯菊綻重巖幽香滿澗峪

南出五色石

袁洪峪在柳埠東南幽如盤谷泉石花鳥不可勝紀

苦洪峪在袁洪峪北海螺峪在神迴寺東

梨峪在柳埠西南兩山一水延袤三十里南抵長城

雙井峪在八達嶺後皮老峪在宅科南

趙官峪在袁洪峪南內有清流

擒寇峪在雲河南林木蒼蔚

濟南府志

卷五

山水一  
歷城山

三

獲子峪在柳埠北泉石並佳

馬帝峪在南泉寺東澗壑幽邃流水無聲有桃源之勝水峪在其東

大黑峪在西營西谷暗林深漬米峪在皇寨東南

道溝峪在魏花寨前林壑無際內產櫻桃

井桶峪在神通寺東北內多柿栗

天青峪在漬米峪東花山峪在函山東北

陡峪在交戰頂東徧谷丹楓秋老更韻

螃癩峪在西營東甘泉數泓匯爲清溪牛欄峪在其東北

羅伽峪在黑牛寨下一名羅癩

萬糧峪在西營東北

黑龍峪在西務南

白楊峪在草溝南

石欄峪在梨峪西

大名峪在鸞鵬務西北

漢王峪在青山西

石房峪在墳莊東

隱士峪在勞泉西

厦峪在宅科南

齊城峪在柳埠南逶迤三十餘里名勝殊多歷城新志云齊城山

或云上舊有城因名窩舖峪在柳埠東南有承興觀龍門峪在

柳埠東延袤四十餘里名泉三十餘泓張家峪在柳埠北

孟家峪在透明寨東 斜峪在黃草南草木蒙茸晝行如晦

天井峪在八達嶺東北 齊家峪在龍洞西

虎峪在龍洞莊東 石衡衡峪在梯子山東北

樓斗峪在楊山嶺西

濟南府志

卷五

山水一  
歷城 山

三

瓦古巖在火關東北

渴馬崖在寨兒頭西卽梯子崖三川之水至此伏流

紅鶴崖在神通寺北石壁凌雲洞心駭目大觀也

八石崖在玉泉寺東南數峯陡立勢欲摩空

葛溝崖在宅科北崖石多怪一帶清流悉經巖下

千佛崖在神通寺神通之勝悉在斯巖

黑水崖在中官南黑水灣上

葫蘆崖在隱士峪南 柏崖在都泉東

孫家崖在高兒莊北南川之水悉匯崖下

桃源洞在桃花嶺南一名朝陽洞

華陽洞在梨峪蔡家莊 天堂洞在袁洪峪東巖

子房洞在扶山東嶺曲折深百餘步內爲黃石留侯外爲三清峻閣凌空

背陰洞在丁公嶺後

目塵洞在甘露泉西歷下諸生張得宿等數人山遊於此因得廢洞修之有箕仙書目塵洞引

勾脚洞在勾脚疇亦名白雲洞

潮音洞在梨峪西南洞口陰寒雖盛夏無暑

黃花洞在瓢峯後釋迦羅漢奇古絕倫金明昌中所鐫

三官洞在北道溝西巖

洪老洞在朝陽寺北山

功德洞在開元寺北義公禪師涅槃處

濟南府志

卷五

山水一  
歷城山

古

李密洞在大佛寺

黑風洞在神通寺

黃巢洞在天齊廟

西龍洞在龍山

菩薩洞在康山

老虎洞在石房峪

蝙蝠洞在磨盤山

長春洞在大庵廟

按歷城舊志載山之屬以峯名者十有一以寨名者三十有四以嶺名者三十有七以岡名者五以峪名者四十有五以巖名者二以崖名者十有二以洞名者三十有二茲刪其附見各山之下者餘俱備錄之以俟考云

章邱山

女郎山在章邱縣北一里通志云又名小田山舊志云山頂有三陽洞深遂可遊憩縣志云相傳葆光子學道於此

舊志云三齊記云章亥有三女溺死葬此或曰齊匡章子墓也故名章邱明邑人陳德安作名義辨謂取爾雅上正章邱之義且引淮南子地形訓有禹使大章豎亥者乃二人非一人也三齊記說

樂盤山在章邱縣南二十七里舊志云三齊記云下有樂盤城卽東陵王與陽邱侯餞送之地縣志云俗名魚山

龍盤山在章邱縣南二十八里舊志云三齊記云周初有神龍潛此故名上有神蹟祠相傳姜嫄所履者妄也縣志云又名屯山亦名唐王山有唐碑字漫沒不可辨

東陵山在章邱縣南十里舊志云寰宇記云盜跖死處山南有跖冢縣志云莊子盜跖死利於東陵之上通典云漢陽邱縣有東

濟南府志

卷五

山水一  
章邱山

五

陵山盜跖死處是也舊志以章邱東界之杈楞山爲東陵誤矣章邱新志云明史章邱南有東陵山按此山上有王墓因在漢平陵城之東故以東陵名之與

危山在章邱縣西南四十里舊志云寰宇記云漢文帝十六年封齊悼惠王子爲齊孝王景帝三年孝王與吳楚通謀自殺葬此墓在山巔今人呼爲鐵墓頂

雞山在章邱縣西南五十里舊志云相傳古有錦雞鳴其上羅者得之乃一石子潔白如玉因名巨合水出此山下俗名雙水泉

跖山在章邱縣西南十里舊志云昔柳跖居此故名跖山又名柳將軍山縣志云按此山舊名赭山謂山南石赤色山所由名也赭跖同音或訛爲盜跖之跖又嫌其名而以河南山名之以居



瓜漏河之南也

按舊志跖山與東陵本二山縣志合而爲一誤也

趙山在章邱縣西南六十里縣志云又名青龍山舊志云有房彥謙墓迤南有山四峯對峙下可通行俗呼爲四門山

胡山在章邱縣南五十里通志作湖山舊志云齊乘曰相傳古有仙翁仙婆修道此山皆得壽考今有翁婆廟遇早禱雨卽應其山高深可避兵俗目爲寨山山腰有洞人跡不到有雙鷹巢於上形高二尺許每年抱二雛大者飛去小者仍在山有三麓南麓北麓中麓卽李太常開先讀書處通志云南爲長城嶺縣志云山下有泉清冽可鑑鬚眉山頂西南有石崖然挺立高可數丈俗呼爲落鷹石土人每望山之雲氣以驗晴雨

濟南府志

卷五

山水一  
章邱山

六

小胡山在胡山西北

虎山在章邱縣西南六十里舊志云積石巉巖類虎踞之狀山麓有拔注泉俗傳古有勇士樹槩於此旣而拔槩泉隨湧出下有漿水泉

亭山在章邱縣西南五十里舊志云隋置亭山縣以此名齊乘云卽桀死處湯放桀於南巢書傳皆謂今廬江巢縣獨尸子云放之歷山豈古有巢氏治琅邪之石叟山齊地亦有南巢邪又桀死後其子淳維遁於北野隨畜轉徙號曰葷育若桀死南方其子豈能北遁自齊奔漠則易矣

冶山在章邱縣西南六十里舊志云唐時冶鐵於此故名

天倉嶺在章邱縣東南七十里舊志云俗傳古有軍士因此見巨

蟻銜粟前過因隨覬至嶺上得穴焉發之獲粟以濟饑故名  
黑牛嶺在章邱縣西南五十里舊志云高峻深遠多產巨木

龍堂洞在章邱縣東南六十里舊志云上爲四暨山洞有二東曰  
東龍洞高廣深邃中有臥龍跡旁一石卓立如柱俗呼爲繫龍  
柱石壁具神佛四十餘巧若天造西曰西龍洞深可數里許有  
泉自上滴下有盆石盛之四時不竭

趙八洞在章邱縣東南七十里舊志云虛若斗室外有泉井相傳  
古有樵夫趙八居此

太湖山在章邱縣東南八十里舊志云齊乘曰長白西南又有太  
湖山二山並有石室敗漆船上有記皆謂堯時物今土人謂之  
青山上有洞上下左右玲瓏萬竅竟一片太湖石所成者山後

濟南府志

卷五

山水一  
章邱山

七

巖際亦有一小洞山人言若斲去其石竅之土則前後可通云  
杈枒山在章邱縣東五十里舊志云長白迤南之高峯也亦名東  
陵山山勢巉巖怪石林立石多土少孔竅皆通一窟著火則遍  
山生煙堪輿家謂長白龍脈自秦岱來此初入長白之第一峯  
云山之西有孤石大夫祠東連玉清山接淄川界

按通志東陵山一名杈枒山章邱新志力辨其誤

長城嶺在章邱縣南百餘里縣志云南連泰安萊蕪界東至劈尖  
林山接淄川界西至天羅頂連歷城界林木鬱茂四時如春俗  
名長林嶺上有古長城遺跡相傳齊所築以禦楚西接平陰東  
距大海土人又謂長春嶺舊有孟姜廟

蓮華山在章邱縣南八十里縣志云陟山四望如十萬芙蓉直窮

天際

澗峪在蓮華山南縣志云峪有聖泉寺按爾雅水自河出爲澗濟爲澗聖泉卽澗水也

天羅頂在章邱縣西南百餘里縣志云章邑西南諸山無高於此者上有四界石南泰安東萊蕪東北章邱西南歷城也巨河發源於山東峪中

吳家山在章邱縣西南六十里縣志云趙山之北而盡於歷城之喻山

虎門山在章邱縣西南七十里縣志云石崖中斷若門故名

燈山在章邱縣西南六十餘里縣志云趙山之東中隔巨河

飛鵲鴉山在章邱縣西南六十五里縣志云燈山之東南按魏書

濟南府志

卷五

山水一  
章邱山

六

頓邱縣有飛鳥峴此山距頓邱四五里或今古異名

石棚頂在章邱縣正南九十餘里縣志云俗名石棚溝亦係連界之山周十餘里南泰安西歷城東南萊蕪東北二面皆章邱縣地縣南諸山皆自此發脈瓜漏河發源於此山

雙尖山在章邱縣南七十里縣志云石棚頂之北山有兩峯陡插青雲如燈焰之狀

馬頭山在章邱縣西南五十里縣志云寨山西北雙峯連峙狀如馬鞍關盧水出其東麓水經謂之馬耳山

寨山在章邱縣南六十里縣志云雙尖山西北山多古柏通志以胡山事跡注於此山下誤

青旗山在章邱縣南五十里縣志云又名儒山

黃旗山在章邱縣西南五十里縣志云隋置亭山縣於此山之東  
又名亭山隋書又名龍舟山

瓦口嶺三峪嶺萊菰山俱在章邱縣南四十五里縣志云大冶埠  
村西莊南

黃巢頂在章邱縣南九十里縣志云山高而頂圓唐史中和四年  
黃巢東竄李師悅以鼓門之師敗之巢曾駐此山因名

平頂山在章邱縣南七十里縣志云黃巢頂西北亦名四門山出  
鉛礦處

郭家林山在章邱縣南四十餘里  
梧桐杆山在章邱縣南九十里縣志云黃巢頂北平中突起周圍

十五里山產梧桐故名  
濟南府志 卷五 山水一 章邱山 九

毛寨山在章邱縣南七十里縣志云山陰多產青苔似毛故名山  
極高大

火燒峪在章邱縣南七十里  
水壺峪在章邱縣南六十里縣志云水出山洞中經年不涸深不

可測  
柴峪在章邱縣南六十五里縣志云草木茂盛取薪者多於此山

因名  
鸞峪在章邱縣南六十餘里縣志云徑路曲折入迹罕到

王洞峪在章邱縣南六十餘里縣志云山多產蜂以蜂有王故名  
角子山在章邱縣南六十餘里縣志云東北山形聳立如羊角

雞冠崖在章邱縣南六十餘里縣志云崖上突起石嶺形高而側

如雞冠故名

油箕峪在章邱縣南六十餘里縣志云上有瓦罐寨兩頭小而中

大山

雙猴窩山在章邱縣南六十餘里縣志云兩峯相對山極高大

藁本峪在章邱縣南六十餘里縣志云山多產藁本

筆架山在章邱縣南六十餘里縣志云上有仙人橋山頂突起三

峯形如筆架

蛇頭峪在章邱縣南六十餘里

佛頭山在章邱縣南六十餘里縣志云山有石像佛頭大可三圍

火石嶺在章邱縣南六十里縣志云嶺上有泉冬夏不涸不溢形

家謂之龍池俗名汨輪泉言有聲也

濟南府志

卷五

山水一  
章邱山

辛

七峪在章邱縣南五十里縣志云有洞名白衣中有大士像

步全嶺在章邱縣南五十餘里縣志云又名北石門

雙山在章邱縣南二十五里縣志云龍盤樂盤兩山之北突起二

土阜下方而上如覆釜

小峨嵋山在章邱縣南二十五里縣志云俗又呼爲埠頂東麻灣

之水從山根出東北山腰有玕瑤橋獨石一片橋壓兩岸相傳

唐王征高麗曾駐兵於此夜宿橋旁聞水激宕之聲因名又有

龍眼泉沖流成溪

馬棚山在明水鎮東北縣志云山南舊名千家店金置明水驛於

此

桃花山在章邱縣西南八里縣志云今名史家山

二郎山在章邱縣南六十餘里

鸚哥崖在章邱縣南五十餘里縣志云有南北二崖

窮漢嶺在章邱縣南五十餘里

毛寨山在章邱縣南五十餘里縣志云較南毛寨差小

桃科嶺在章邱縣南五十餘里

小青山在章邱縣南五十里縣志云廣宗城在此山之西土人又呼爲陰城

將軍山在章邱縣南四十五里

陶峪在章邱縣南四十五里

分水嶺在章邱縣南四十五里縣志云水南北分流至溝頭莊合而入瓜蒲河

濟南府志

卷五

山水一  
章邱山

三

孤山在章邱縣南四十五里縣志云平郭城在山南有遺墟

磨立山在章邱縣南四十五里

南瓦山北瓦山在章邱縣南四十五里

雪培嶺在章邱縣南七十里縣志云懸崖峭壁谷中多積雪

閣老寨在章邱縣南六十五里

八仙頂在章邱縣南五十里縣志云又名馬鞍山

臥牛山在章邱縣東南四十五里縣志云又名老牛嶺七女泉出焉

焉

河套山在章邱縣南四十里

朱家峪栗家峪在章邱縣南五十里

青山在章邱縣東南八十里縣志云自筆架山連峯迤東而來特

起此山蒼翠峻峙登其巔者足攬河山之勝

大山在章邱縣東南七十里

野狐嶺在章邱縣東南八十里縣志云又名分水嶺水自嶺東西

分流東者入淄川西者入章邱爲獺河之上源

金子孤堆在野狐嶺東南縣志云報効泉出其西北東南流入汶  
勞林尖山在章邱縣東南九十餘里縣志云爲章淄萊蕪接界之

山

長白山章邱縣志云在縣治東界羣峰羅列綿亘四邑統名長白

按王文簡公長白山錄云本屬長山縣縣所得名也高二千九  
百丈周六十里晏謨述征記云山巔雲雨常白故名司馬子微  
洞天福地記第六十一長在山在齊州長山縣故又名常在

濟南府志

卷五

山水一  
章邱山

三

摩訶峯在章邱縣東三十里縣志云長白中峯也四山環拱巍然  
秀特高出諸峯上山巔有塔有禪院

玉泉山在章邱縣東南三十里縣志云又名太湖山通志云在縣  
東南八十里俗名青山者誤

鍬箕山在玉泉山西縣志云山以形名也西南有元張文忠張文  
穆先塋在焉

鳴羊山在章邱縣東南三十里縣志云西南有御史李慎修先塋  
在焉

梭山在章邱縣東十五里縣志云亦以形名山也李工部縉明嘯  
園在此山北

玉皇頂在章邱縣東五里縣志云長白山盤踞東南迤西北而盡

於玉皇頂

巒堂嶺在章邱縣東十里縣志云此嶺自石龍菴西折平地起土阜坡陀平衍無懸崖峭壁前志引三齊畧曰鄭康成著詩書樓遲於此山上有古井獨生細草葉似薤俗謂鄭公書帶草金元好問濟南行記云鄒平縣南有長白山范文正公學舍在焉故又謂之巒堂嶺太平寰宇記云巒山在淄川縣東北十里齊乘嘗辨元記之訛然謂巒山在般陽北十里卽巒堂嶺又云上下書堂在巒堂嶺會仙峯下合巒山巒堂嶺爲一亦非

章邱縣新志云按巒山巒堂嶺自是二山巒山在淄川長白嶺南爲康成注書處會仙山巒堂嶺昔隸章邱今隸鄒平在長白山北爲文正讀書處至章邱之巒堂嶺原係長白山之

濟南府志

卷五

山水一  
章邱山

三

西南一土阜耳並非鄭范注書讀書處舊志多誤今正之

小金山在章邱縣東南三十里縣志云四面皆平衍上有比邱塔病者禱之輒應

陀凹山在小金山東

青龍山在章邱縣東南三十餘里縣志云相傳古有神龍潛此脫鱗而去其鱗猶存又名土金山上有蟠龍寺

按章邱之山趙通志載十有九岳通志載十有六舊志載十有八而縣志所載凡九十有六亦云備矣茲採以補各志所未備至於來龍發脈之說乃堪輿家言所不及詳也

鄒平山

于茲山在鄒平縣東南十里舊志云三峯列秀當大峪之口舊有



于茲仙翁祠今廢

黃山在鄒平縣東南三里舊志云狀如伏虎上有虎頭岳山半爲翠微亭山之麓爲遐景亭元大德中處士安仁甫所卜築也山陰爲免柴明張文定公延登創闢

富相山一名賀家山在鄒平縣西南五里舊志云有乳泉

景相公山在鄒平縣西南三里舊志云山培塿耳以下有景範墓得名

長白山舊志云長白山跨連四縣之界東北屬長山北屬鄒平西南屬章邱東南屬淄川此山以北平曠無際直達燕京長白諸峯羅列插雲故自北方來者於三百里外望見之云

舊志云名勝志引抱朴子云長白泰山之副嶽繡江發源於此

濟南府志

卷五

山水一  
鄒平山

三

西陽雜俎云古肅然山也按史稱漢武帝元封元年四月乙卯封泰山丙辰禪泰山下趾東南肅然山今長白山去泰山東北三百里非一日可到金史云肅然山在萊蕪明非長白矣又繡江源出章邱百脈泉在長白山南遠甚齊乘曰太平御覽云長白山者因此山雲氣常白故名之元和志云長白山高一千九百丈周六十里今按此山東西徑六十里南北半之

會仙山在鄒平縣西南一十五里縣志云山巔有八仙臺舊志云

長白迤北之高峯也其勢巉巖拔秀形若覆敦舊傳歲以三月

三日爲清明節則羣仙來集仙燈夜見邑人馬宛斯驢云每歲

二三月之際天氣寒栗風起霧合此夜定有仙燈不必清明也

上有玉皇閣有金母祠轉而南下有宣風洞或云旋風或云先

鋒登山之總路也有上書堂范文正公會讀書於此范公泉  
水巖下四時不涸其側爲獮頭峯前爲狻猊峰皆以形似得名  
南向東轉崇巒屏列其陰爲羅圍峪縣志云蘿谷最爲險峻土  
人避兵處

摩訶山在鄒平縣西南三十里一名摩訶頂在會仙山東舊志云  
卽長白之最高峯也上有塔有禪院其陽爲三山峪屬章邱縣  
其東爲回路峪齊乘名葫蘆峪沙河出焉屬長山縣

大峪山在鄒平縣西南十五里縣志云大峪摩訶之北會仙之南  
其中所限巨壑也沙溪出其中舊志云自羅圍峪委折而東有  
超壑峪種金頂劈尖頂水尖頂桃花峪皆土人命名此長白之  
南障也北嶂則自會仙以東爲老人峯縣志云論者爲一邑壽

濟南府志

卷五

山水一  
鄒平山

三

考之祥又東爲鍛砧峯陸志云峯削峻如鍛砧縣志云高可三  
丈廣坐百人當縣治正南十三里又名印臺山兩嶂之間謂之  
大峪峪有二十四村良田滋焉甘泉出焉佳樹所生百果時熟  
有象山在劈尖頂北縣志云一名金馬山松山在象山北有峪  
勝菴原名柳家菴明崇禎中僧圓湖創修四廟皆山間水環流  
北與書堂上下遙對黃谷菴生生菴皆大峪之勝概也

石戶頂縣志有二一南一北在會仙山北舊志云兩峯巉巖對峙  
淵崖滴水不絕名滴水崖北峯尤險峻可以避兵

玩湖頂舊志云山頂可西望湖光故名或云萬戶頂上可容萬戶  
也下爲魯家泉在鄒平縣西南十里澗水曲折林壑最勝

九龍山在鄒平縣西十五里舊志云長白枝脈北出蜿蜒若龍頂

道經其上第五六峯之間爲塔山道步與騎可行第六七峯之間爲亞婦口或稱隘阜口車輜之所由也

巒堂嶺在鄒平縣西南三十三里舊志云亦曰巒山嶺北有范公讀書堂有范公祠有醴泉寺山之麓有靈泉

按長白山錄云巒山巒堂嶺自是二山當以巒山屬鄭巒堂嶺屬范爲是

鳳凰山在鄒平縣西南三十五里醴泉寺西舊志云峯巒起伏勢如翔舞東有鵬窩峪西有迦峪有翔鳳菴

宿山在鄒平縣西十里舊志云圓峯孤立道側九龍山繞其西俗謂之九龍戲珠下有古店行旅止宿故名

婁山縣志云大峪迤西沿溪有上下二婁山崖深壁峭境頗幽絕

濟南府志

卷六

山水一

鄒平山

美

蓮花峯縣志云在桃花谷上

嘯崖縣志云在摩訶山北柳菴道左

王家洞樊家洞葛家洞縣志云俱在大峪中

黃鸚山縣志云老人峯迤東山之支麓向南別起一峯下有黃鸚菴

盤壑谷縣志云在會仙山南

黃花山縣志云在巒堂嶺北

風門道縣志云在會仙山北

醴山縣志云在玩湖頂東北特起一山

疑嵐巖縣志云在玩湖頂北魯家泉西

滴水崖縣志云會仙山東峭壁千尋泉水涓滴自崖巔下四時不

絕

聖王峯縣志云峯名見劉仲元上書堂記而舊志不載九龍山第七峯有泉名聖水疑卽此峯

旂山縣志云老人峯迤東山之支麓向北別起一山山有二峯名大旂小旂

緒梁洞縣志云自旂山北轉而東折瀾崖陡峻昔有僧名緒果穿土石爲洞中有複室數層前有庵名玉泉泉在庵南

金翰林學士劉仲元上書堂記云傍鄒皆山也黃山處其東長白峙其南聖王諸山連峯委會於其西聖王之南有山曰會仙其峯壁立特起蒼翠可愛山有堂故基曰書堂世傳以爲文正范公之別墅也公復有書堂在會仙之南巒堂山之上巒堂之

濟南府志

卷五

山水一  
鄒平山

三

得名亦以公嘗讀書於其上也

鄒平縣志云按長白山連峯沓嶂跨四縣之境北去鄒平而近東北去長山而遠西入章邱東入淄川實海岳之奧區仙靈之窟宅齊乘曰南岱東沂之外沂之蒙密之九仙卽墨之大小勞崑海之姑餘般陽之長白皆齊之高大名山也王文簡公據金史肅然山在萊蕪當泰山東百二十里直以鄒邑西南諸山爲非肅然竊意肅然爲泰山東北諸山通號亦猶長白爲泰山東北諸山通號魏書辛子馥傳長白連接三齊瑕邱諸州界亦一切證史記乙卯封泰山丙辰禪泰山下址東北肅然山言址者明其近也以東漢馬第伯封禪儀記推之下山必日暮後乙卯丙辰固不能遠至三百里外之鄒平亦未必乘夜疾馳向百二

十里外之萊蕪而鄒平萊蕪之山亦不必謂之非肅然非長白言非一端各有當也齊記云於陵西南有長白山魏書博平有長白山隋書屬章邱縣唐元和志屬長山縣宋寰宇記屬章邱縣金史屬章邱長山二縣山有開元閒誌公碑云章邱長白山是唐又聯章邱界相公山景範碑云淄州長山人是周亦隸長山也以古城沿革及金劉仲元上書堂記推之長白山入鄒縣境當在宋末金初之世而金史屬之章邱長山不言鄒平蓋脫漏也

按鄒平之山趙志載其八岳志載其五舊志所載一十有四而峯巖洞壑各附大山之下以縣志校之尙有未備茲爲一補出計其目二十有八焉

濟南府志

卷五

山水一  
淄川山

天

淄川山

東山在淄川縣東十二里縣志云東山邑人遙望之總名也縣東十二里入谷有鴉鵠狼虎諸崖兔峪槐峪黃綠嶺擦石坡豆腐臺每秋雨後兔峪輒出一泉水勢湍急至馬家莊西南入般水其山南北盡縣之境正東轉折二十餘里至諸葛崖始屬益都縣中有恨虎崖邑生宋遂曰本名擒虎崖予始祖鳴鐘者兄弟七人擒虎於此因名焉

摘星山在淄川縣東南三十里岳通志云山最高故名

蒼龍峽在淄川縣東南三十里縣志云兩山合抱巖漸萬仞及峽纔容人下且漸廣濶四五丈兩巖之間各有穴探之莫測其際每雨漲水石俱下至灣亦不少停俗傳有龍蟠於中遇旱禱雨

輒應其屹立者爲龍屏橫帶者爲龍埠隱約有形者爲龍石源源不竭者爲龍泉舊志云羣山之中石壁劃然中斷上狹下廣每雨漲山濤蔽峽而下峽內有巨潭俗傳龍蟠於中旁爲龍屏龍埠按萊蕪縣亦有蒼龍峽乃異地而同名者

笠山在淄川縣南十里舊志云其形如笠

禹王山在淄川縣南十里舊志云上有廟

大堆山在淄川縣南二十五里通志云或作大圭山又名奎山齊乘云山上往往拾有海螺壳石壁間有大鐵鑲相傳洪水時繫船處也

萬山在淄川縣南三十里舊志云以羣山環繞故名其陰有金地院

濟南府志

卷五

山水一  
淄川山

五

原山在淄川縣東南四十里通志云原山爲萊蕪博山淄川三縣界汶水出其陽淄水出其陰山下孝婦懷德二鄉舊爲縣境故以淄名縣後割入益都今復析置博山淄水不在境內縣名則仍其舊云

崑崙山在淄川縣西南三十里

三台山在淄川縣西南二十五里縣志云三峯鼎立異勢同岑攬其鬱秀髣髴太華也俗名支鍋山紺字層疊上下輝映山形險峻昔時避亂者全活多人實一方福地不但爲邑中勝境也

爬山在淄川縣西南二十五里舊志作色山

甲山在淄川縣西南三十里舊志云甲山亦曰夾山上爲夾谷臺陸通志云齊乘曰水經注萌水出般陽西南甲山東北入瀧水

今訛爲夾谷山謂卽齊魯會盟之地非也當從水經

瑚山在淄川縣西南三十五里

月山在淄川縣西南五十里又名馬鞍山

斷金砦在淄川縣西南五十里通志云高出衆山之表俗名仙人枕後有泉澄泓徹底雖旱不竭其西有小砦巖壑更爲幽勝其北爲遊奕嶺峯巒插天俗名仙人脚皆可避兵

團峯頂在淄川縣西南六十里舊志云接章邱界形團圞如蓋林木秀美上有巨泉直注山下北又有桃花泉其東巖有洞爲土人避兵處

沖山在淄川縣西三十里

龍舟山在沖山西舊志云魏書地形志土鼓縣注有龍舟山儒山

濟南府志

卷五

山水一  
淄川山

三

是也上有虎頭石北有塔今人呼爲塔山其山東西狹而南北長故以舟名

儒山在淄川縣西五十里舊志云山後有洞昔人多讀書其中

伏山在淄川縣西四十里舊志云白泥河經其陽伏流里餘故名

煥山在淄川縣西十五里通志云南接禹王山北爲萌山常有山

市現城市樓臺樹木人物之狀有類海市云

豹山在淄川縣西五十里舊志云故碑曰鮑山山巔多巨石廟建其上

明山在淄川縣西北二十五里通志云卽萌山也萌水逕其西北

竇冢山在淄川縣西北二十里

荆山在淄川縣西北三十里

箕山在淄川縣西北三十里縣志云其形如箕

雙山在淄川縣西北十二里縣志云積沙不生諸草

白雲山在淄川縣西北五十里舊志云原名玉皇頂上有玉皇宮  
有元君祠西與摩訶頂相望爲長白兩高峯俯視會仙山遙見  
秦岱於崑山之外以山脊爲界南屬淄川山半有泉有張先生  
書院元張臨教授處也有青山箕山雪山諸峯北屬長山爲天  
井峪峪壁石龕曰朗明洞泉覆洞門注下曰天井泉其西北曰  
豁坂有卸甲洞

玉清山長白之南嶂也舊志云青嶂泉出其陽

柱子山在長白山東南舊志云孤嶂如柱

鳳凰山在淄川縣西北三十五里舊志云在長白山東前峯孤峭

### 濟南府志

#### 卷五

山水一  
淄川山

三

左右張拱後峯翹伏宛如鳥飛其陽有新城王象春季木問山  
亭故址其陰則長山境也

鬢山在淄川縣東北十二里舊志云齊乘曰在般陽府北十里三  
齊畧云鄭康成刊詩書棲遲此山有古井獨生細草葉似薤  
俗謂鄭公書帶今半山有鄭康成祠上有碧霞元君廟

梓潼山在淄川縣東北十五里通志云與鬢山相接天將雨則雲  
生而山鳴如鼓居民常以此驗之舊志云齊乘曰在般陽府東  
十餘里後有石壘圓洞古老相傳鬼谷子隱居名鬼谷洞澗水  
燕談云處士王稚隱此山今祀樵於此

浮山在淄川縣北三十里通志云俗名唐家山山北有村卽名浮  
山驛縣志云相傳爲驛路時設今廢



磨山在淄川縣北三十里通志云南接浮山

狼山在淄川縣東北十五里舊志云一名邱山或云高齊以貝邱名縣蓋取諸此

無影山在淄川縣北仙洲莊之西縣志云南北長三里遠望不見故名

長安嶺縣志云又名肩陵在寶家山之東上有瓊樓公主墳故蹟放生磯在淄川縣西北里許舊志云孝河西岸石坡陀如虎阜邑人放生於此立碑禁捕魚者

青蘿洞在淄川縣北三里溝南岸舊志云高司寇珩所鑿也幽窅清涼夏可忘暑

雲高洞在淄川縣東南二十五里舊志云下有深壑俗呼爲雲壑

濟南府志

卷五

山水一  
淄川山

五

裏

洞子溝在淄川縣東南二十五里縣志云兩崖相對鐵色壁立南北崖各有洞中爲澗壑流水自東西注東畔巨石平鋪方廣數十畝水底取石亦堪爲硯然非顏山庵上村之物未可概以淄硯名也

趙斷溝縣志云去巒山東南六里四壁如削東南巖下一泉近民賴之北壁之半有洞深不可測

按淄川之山趙志載其九岳志載二十有九舊志載三十有二而縣志所載以山名者三十二以嶺名者一以峽名者一以磯名以峯名以砦名者各一以洞名者二以溝名者二皆山之屬也故彙而志之

長山 山

長白山在長山縣西南二十里通志云山跨四縣界西南爲章邱東南爲淄川西北爲鄒平東北爲縣境縣以此得名故繫之山西南爲上書堂卽覺堂嶺南爲邑境有宋范仲淹讀書處在醴泉寺山上本有一泉在寺後仲淹讀書時又增一泉今名范公泉寺側爲貓頭峯狻猊峯其陰爲蘿圖峪入鄒平縣界故覺嶺與鄒邑共之西南爲太湖山入章邱縣界東則廻路峪齊乘曰乃葫蘆峪之訛音也沙河之水出焉又東則桃花峪超壑峪劈尖頂水尖頂皆邑境南障諸山也縣志云按長白連峯皆嶂拱護西南爲岱宗後宸實海邦之奧區仙靈之窟宅也故有副嶽之目焉隋改武強爲長山縣取長白山爲名在縣西南四十里

濟南府志

卷五

山水一  
長山 山

三

摩訶山在長山縣西南四十五里縣志云長白中峯也四山環拱巍然秀特高出諸峯上有塔有禪院峯半出雲時接會仙頂俄而諸峯咸鎖巖巖山稱長白蓋以此燒香峪在其東路幽澗曲樹木叢植霜葉初紅更宜遊憩又有桃花嶺昔人種桃滿谷因以名焉

白雲山在長山縣西南三十六里縣志云長白迤南之最高峯也山皆砂石色多黑類泰山石其形勢亦相似僧呼小泰山又名玉皇嶺與摩訶頂相望爲長白兩高峯上有玉皇宮元君祠及望海石俯視一切遙見秦岱於眾山外北爲天井峪壁石龕曰朗明洞泉覆洞門注下曰天井泉其西北曰豁坂有卸甲洞又山在縣界者東北取道面南而上抵山腰有仙翁祠五龍堂

仰視上峯尚在突兀處若自山之南面北而上直至絕頂三陽觀在其下所謂山地有形若隻掌爲張仙翁修煉之所及陳仲子夫妻棲隱之石室皆在山之陽云又牽馬嶺在山之東山廻路轉惟屐齒可通愛身巖在山之絕頂峭壁千仞臨者股慄船道峪在山之陰峭壁間有大鐵楸相傳爲洪水時繫船處今環已毀楸猶在焉

鳳山在長山縣南三十六里縣志云東西橫列若屏中峯秀麗左右張拱後麓翹伏宛若飛鳳故名上有禪院

鳳山在長山縣西南三十里縣志云東與鳳山對峙重咀齊秀俗云翔鳳鸞鳳

米山在長山縣南二十六里舊志云古傳齊桓公於此積土爲虛

濟南府志

卷五

山水一  
長山 山

三

糧鑿縣志云孤阜特立形若天馬自頂至麓有石澗爲新城王象春所鑿

馬鞍山在長山縣南二十五里縣志云南與太行山東師阜相連山頂平可十餘畝東麓漢董永廟在焉

太行山縣志云山之陽卽淄川界

銀牛山在長山縣西南三十二里縣志云白雲北麓復起者也形列三台又名三台山

鎖山在長山縣西南三十里縣志云形勢北趨有黑色石子纍纍相連周其東西趾俗因名之

珠山縣志云在鎖山南銀牛山北圓峯孤立爲羣山遮蔽

院山在長山縣西南二十七里縣志云土石相錯形若覆釜翠柏

鬱然上有禪院豬龍河繞其北

小白山在長山縣西南二十七里縣志云高僅里許圓無澗谷東有故壠相傳爲召忽墓

黑山在長山縣西南二十六里縣志云石悉黑色因名山半有釣臺飲牛二泉相距數武冬夏不涸不溢

杏山在長山縣西南三十三里縣志云白雲東麓復起者也山陽爲斗溝

石門山縣志云在白雲峯西北山巔兩石對立秀若削成故有雙闕之目

陳山在長山縣西南四十里

金龍山在長山縣西南三十里縣志云山腰有臥仙石

濟南府志

卷五

山水一  
長山 山

三

台山縣志云在摩訶峯東北南麓巨石孤峙有泉下注

團山在長山縣西南三十二里縣志云出磁石

李山在長山縣西南二十八里縣志云有靈空洞昔人植李數百株歲獲絹百疋有木奴之利因名

雙乳山在長山縣西南二十六里縣志云雙巒微露下有乳泉

牛眠山在長山縣西南二十五里縣志云石工多取材焉

虎埠山在長山縣西南四十里縣志云摩訶東麓也沙河繞其下

龜山在長山縣西南三十二里

無影山在長山縣西南三十里縣志云平阜隆起日光徹四面無

影

臥牛山在長山縣東北六十里舊志云以形似名縣志云東南卽

鐵山北麓屬新城

傅家山在長山縣東北五十七里縣志云上多柏石可作確磴  
鶴伴嶼在白雲峯西北縣志云亦名豁坂

楊家峪在白雲峯北

峩峪在白雲峯東北縣志云九十九峪峩峪最大有張仙祠

八柱臺在長山縣西南五十里摩訶峯東南縣志云自大接嶺入  
境迤邐南旋因岡作臺四圍連山秀舉羅幘屏矗清泉蒼柏石  
逕崎嶇上有透玲碑八角井左右有光峪雙峪羊棗峪毛翎峪  
柘峪參霄峪石虎峪柳泉峪大小茶峪大小狼窩峪大小石匣  
峪皆危巖石溜楠林繡列若張家洞李家峪大小南峪則茅屋  
臨崖居民鱗次焉

濟南府志

卷五

山水一  
長山 山

三美

並頭峯在長山縣西南三十八里白雲峯西北縣志云四峯霞舉  
疊秀雲天層巒仄傾山頂相捍西爲紅嶺北爲石松峪有林木  
連蔭里許名四角方

按長山縣以長白山得名通志以長白山屬之長山縣是也  
然趙志於長白之外載太湖山米山臥牛山岳志以太湖屬  
章邱而舊志止載米山與臥牛山未免大畧茲閱縣志所載  
之山凡二十有八而峯嶺巖峪之屬別出者十有一又覺茫  
無統緒今以長白爲主而羣山之屬附於其後以表副嶽之  
尊焉

新城 山

馬公山在新城縣東南四十里舊志云山下趾周一里許不生草

木名一畝石上有泉欲雨則雲氣鬱然通志云相傳馬公得道之處不知何時人縣志云居民多馬姓

羅山在新城縣東南五十里舊志云馬公山東南縣志云羅公山四角山在新城縣東南五十里舊志云在馬公山東南元史作四脚山俗譌爲四寶山縣志云遠望岌然若有頭角

鐵山在新城縣東南四十五里舊志云在四角山東一名南山跨新城益都臨淄三縣界崔炎述征賦涉淄水過桓都登鐵山望齊密是也南燕慕容德立冶於南山元史合刺普華於四脚山下置廣輿南山二冶山側有蓮花洞修道者多居其中又有平安洞土人避兵於此縣志云上有聖水泉冶官祠齊記補云南燕建平三年立冶今鼓鑄不絕崔炎賦登鐵山卽此寰宇記以

濟南府志

卷五

山水一  
新城山

五

爲密州之鐵山非是平安洞一名避馬洞

吳公山在新城縣東南五十里舊志云舊傳仙人吳公修道之處通志云蜈蚣山

花山在新城縣東南五十里縣志云上有玉皇宮川谷繡錯遠望如茵蒼然上有一畝石天將時雨雲氣生焉

桃花嶺在新城縣東北十二里

按新城之山通志載其四舊志載其五俱無花山之名茲據縣志增入而以桃花嶺附之至蓮花平安二洞已見各山下不複出焉

齊河 山

長嶺縣志云在縣東南盤旋迤邐宛若環維之狀

按齊河無山而縣志載山川首稱長嶺又齊城八景亦云長嶺東環蓋培塿雖小不可以一簣而忽之也

### 長清 山

馬鞍山在長清縣東八里舊志云山形如馬鞍者二故名

石虎山在長清縣東南一里舊志云昔人晨興見虎遊巖畔獵人隨之乃石也遂名縣志云邑令于璞改爲石麟山上有文筆峯下隱二石洞幽深曲折左側有玉帝后土廣生諸殿

青崖山在長清縣東南四十里舊志云崖谷常青金末嚴實嘗挈家避兵於此縣志云有明德玉墓

五峯山在青崖山右舊志云岡巒綿亘上有五峯錯列峪內爲洞真觀峯頂爲三元祠明萬歷中重修與秦岱靈巖并稱三山云

## 濟南府志

### 卷五

山水一  
長清 山

五

左阜有泉甘冽無比縣志云山有八景仙人臺無影廟青龍峪白虎峪清冷泉七星泉迎仙橋更雞橋

磧清山在長清縣南三里舊志云一名磧金山有真像院碑記云宋政和三年西域譯經三藏嘗鑿義井以惠渴者於石龕中發得金銅佛故名通志云金剛佛像梵言曰磧清

隔馬山在長清縣東南六十里舊志云左傳晉伐齊齊侯禦諸平陰齊師夜遁夙沙衛殿殖綽郭最曰子殿齊師國之辱也子姑先乎乃代之殿衛恨二子遂殺馬於隘以塞道欲使晉師得之故名隔馬山山東北曰神林有隔馬神君祠水經注作格馬山縣志云山有豐施侯廟

方山在長清縣東南九十里舊志云四面方正故名齊乘曰卽水

經注玉符山也上有六泉曰黃龍甘露獨孤雙鶴卓錫石龜下有靈巖寺通志云寺內有鐵袈裟山石黑綉如鐵覆地如袈裟披摺之狀又寺東有明空山石孔南北相通題名甚多縣志云按靈巖山卽玉符山山以北有中川水舊名玉符河蓋因玉符河而得名也明于慎行岱畎圖經記岱宗之北六十里爲玉符之山上多栝柏多椒下爲朗公之谷是有金仙之宇命曰靈巖雞鳴山在長清縣東八十里靈巖寺西山口舊志云山上一臺高聳常夜聞有雞聲故名靈巖志云昔有羣盜夜過此山忽聞雞鳴奔回夜尙未半聚而復回又聞雞鳴如是者三方知是山靈警覺皆回心向善故名

明孔山在長清縣東南六十里舊志云在靈巖山中有石孔南北

濟南府志

卷五

山水一  
長清山

三

相通故名通志云通明山峭壁中有二孔日光東西明透初名屏風山又名明孔山明御史郭嘉易之

按明孔山一名屏風山卽通明山也舊志分爲二山誤矣

獨秀山在隔馬峯東北舊志云羣山踰伏此山亭亭獨秀故名

滾粟山在長清縣南二十里舊志云山北石崖皆絢然五色崖下

溪流環抱以山勢陡峻不容一粟故名

朗公山在長清縣東南九十里舊志云一名朗公谷酈道元曰秦

苻堅時有沙門竺僧朗與隱士張巨和居此縣志云按水經注云谷舊名琨瑞谿有沙門竺僧朗少事佛圖澄碩學淵通尤明氣緯隱於此谷因謂之朗公谷

婁敬洞在長清縣東南六十里舊志云其山自東南綿亘而下其



洞東西南委曲相穿通相傳內有婁敬范蠡張良石像又有仙弈石枰存焉

魯般洞舊志云在靈巖寺內岡阜隆隆下有石室不炬不可行內有東西二石門相對禁不敢啟

臘山在長清縣東北四十里舊志云昔漢耿弇率兵圍獵此山得禽甚多俗呼爲獵山後人誤以獵爲臘

雙陸山在長清縣南四十里舊志云當孔道東西兩兩相峙

按以上山十二洞二俱舊志所載

柏山在長清縣東二十里縣志云有梵宇在上松柏蒼翠古人多讀書於此

崗山在長清縣東南三十里通志云今設驛於此縣志云翠柏盈

濟南府志

卷五

山水一  
長清山

早

巔中隱玉皇殿多騷人題咏

南黃山在長清縣東南一百里通志云泰山之西下趾也縣志云

遠望峯聳嶺岼高出羣峯蓋泰山餘脈與梁父徂徠並峙者

雷山在縣南一里通志云明宏治中有道人趙天雷禱雨輒應今

遺有風雷雨三碑在山下

張山在長清縣南五十里張夏店北通志云昔有人於山結廬賣

藥濟人問其姓曰張遂以名其山

按以上山五舊志未載據通志補之

龜山在長清縣南三里縣志云與雷山並峙爲縣南對峯

堑山在長清縣東南六里縣志云山形似堑字爲東南諸峯落脈

處檜柏森密不露拳石玉皇殿前有臥龍柏

太子山在長清縣東七里縣志云卽東山有文昌祠

筆架山在長清縣東三十里縣志云按李白文北走巖崗卽此土人呼爲莫山而山陰之橋仍名爲巖山橋乃濟南入泰安大道

謹按長清新志云筆架山舊名樞山在潘村

行宮之左峯形如列炬乾隆閒

東巡賜名筆架山形家以爲文峯云

釣魚臺山在長清縣東南五十里縣志云北連五峯東接靈巖翠

柏盈巔下臨沙河河之北岸有巨石突峙可以垂綸其南岸有

小孤山狀如伏獅多騷人題咏

老仙嶺在張夏東二十里

奎山在長清縣東北四十里縣志云上有清虛觀舊名福山書院

濟南府志

卷五

山水一  
長清山

聖

李滄溟曾讀書於此

我睂山在長清縣東北四十餘里

靡笄山縣志云齊乘謂華不注亦名靡笄山非也左傳從齊師於

莘六月壬申師至於靡笄之下癸酉師陳於鞍逐之三周華不

注丑父使公下如華泉取飲其文自有次第鞍在華不注之西

而靡笄又在其西可知金史云長清有剡笄山見日知錄按華

不注西十餘里藥山前有二小山爲鞍山自鞍而西入長清境

十餘里曠野平原突出一山卽金史所云靡笄山也俗呼旦山

孝堂山縣志云在孝里舖東有孝子郭巨祠按左傳襄公十八年

齊侯登巫山以望晉師杜注巫山在盧縣東北卽此山也此山

在長清肥城界上

按以上山十據縣志載入

獅山 象山 香山 珠山 靈山 寶山 黃峴山 東西磨  
山 黃茅岡 臥象嶺 碁子嶺 雲窩 老虎窩 石尾峯  
靈關峯 雙峯 懸星巖 巢鶴巖 拂日巖 仙人巖 快活  
巖 積翠巖 香霏巖 功德頂 半室崖 滴水崖 麻衣洞  
白雲洞 黑雲洞 函雲洞 觀音洞 朝元洞 魯班洞 圓  
光洞 龜背石 滌思峪 紅蒿峪 瀆采峪 石塢峪 黃家  
峪 九曲峪 神谷

按以上山嶺峯巖之屬四十縣志云皆在靈巖

長清新志云泰山分脈西南入歷城界循長城而西其西爲  
長城嶺爲仙臺嶺爲鶴山爲孤山孤山西爲桃花峪爲分水

濟南府志

卷五

山水一  
長清山

望

嶺分支而西爲長清肥城平陰東平諸山自泰山北麓分支  
而西爲分水嶺迤北入長清縣境爲長城嶺此皆長清山脈  
所自來也分別求之則可條分縷晰矣

陵縣 山

平原嶺趙通志云在陵縣東南七十里嶺上有鹿角關望遠臺壽  
公菴舊志云按齊乘云平原嶺在德州東南七十里其上有鹿  
角關當時德州乃今之陵縣一統志載鹿角關在今臨邑縣北  
十五里唐置則此之平原嶺亦後人取以名之者

按岳通志云濟南府有山之州縣凡九不載陵縣之平原嶺  
茲從舊志載之

德州 山



濟南府志卷六

山水二水

按舊志之載山川也山必稱岱水必稱海自泰安武定各陞爲府而海與岱俱在濟南境外矣第名川巨浸通舟楫之利爲灌漑之資奚必觀海而後難爲水乎府境內水之最著名者在東南曰大清河曰小清河曰李婦河而大清爲濟水郡縣因以得名在西北者曰運河卽衛河運道所行事關

天庾正供言漕渠者所宜盡心也况黃河故瀆禹跡攸存鬲津鉤盤竇居九河之二至若徒駭馬頰之流篤馬趙牛之屬或新河而被舊名或異派而獲同歸更有瀦爲湖停爲泊通爲溝聚爲窪一縣之內以十計一郡之中以百計屈指數之更僕難終茲

濟南府志

卷六

山水二

水總敘

一

依通志之例以一水經一地者分列於各屬之下一水而經數地者總敘於各屬之前非徒藉以誇設險且可資以求水利焉  
水總敘

大清河舊志云卽濟水故道古濟今汶濟水伏流不見汶水自泰安出者由故道自寧陽界至汶上東阿長清齊河界入歷城北經上灤橋北灤水響河入焉又東北逕華不注山陰又東經下灤堰灤水舊入濟處堰南卽小清河又北逕濟陽齊東武定青城濱州蒲臺利津入于海此鹽買通舟之處

齊乘曰大清河古濟今汶水經注濟枯渠注巨野澤澤北則清水巨野今梁山泊也北出爲清河古自壽張縣安民亭合汶水汶水出泰安萊蕪縣原山之陽水經謂之北汶西南逕徠山

陰又西逕泰山之陽漢武明堂遺跡臨水謂之石汶又西逕汶上縣北又西逕東平城南其西卽安山閘閘下泥河口有亭子店古安民亭遺趾清濟與汶合處今開清水南導任城則清濟不入汶汶自行古清河矣汶水又北逕漁山東卽瓠子歌之吾山在安山東有漢隄遺跡自西而東屬之麓山西曹子建冢山東漢黃河故渠又北逕陽穀縣西流水合狼水入焉又東北逕東阿縣道元云縣東北有清亭春秋隱四年遇于清以河得名也又東北逕平陰縣廣里保古齊長城防門河道所由春秋齊侯塹防是也廣里見水經又名光里又北逕巫山齊侯登以望晉師者俗訛作無兒山山上有石室水經謂之孛子堂今曰郭巨廟清水過此古爲溜湖又東北逕齊河縣縣南門外有梁跨

濟南府志

卷六

山水二  
水總叙

二

水古朝陽橋遺跡耿舛渡處齊河縣在宋爲耿濟鎮沙溝水出山在縣南來入焉今肥城縣東南有沙溝鎮以水得名又北逕上灤橋北灤水分響水河入焉古名聽水又東北逕華不注山陰又東逕下灤堰灤水舊入濟處堰南卽小清河又北逕臨邑縣又東北逕濟陽縣又北逕齊東縣河閒路屬縣古東鄒又東北逕蒲臺縣又東北逕高苑縣北又北逕利津縣城東又東北入于海

通志云大清河濟汶合流實汶水故道也按水經自岡縣北西南過東平章縣南又過無鹽縣南至安民亭入濟今由東平州東南戴村壩分洩汶河之水西逕坡子村龍壩村又西北至和尚林壩分支環城會於西北其東北濠有蘆泉水入之又西北

逕馬家口至盧家村與七里河會古濟汶合流處也又北至朱家屯入東阿界又西北至班鳩店與三空橋水會又至龐家口與五空橋水會合爲一流是謂清河世謂之大清河因小清河得名也俗又名鹽河因鹽艘往來其中又北流逕魚山南橋莊至大河口有狼溪水入之又東北至滑口莊有八里堂河水入之又東北至郭家口莊入平陰縣界又東北至原家口南有錦水入之至黃家渡有柳木溝水入之又東至馬官莊入肥城界又東北至孟家道口入長清縣界有沙河水入之又西北逕吳家渡口陰河寺至張村口有中川水入之又東北逕李家寨二郎廟至大清橋開河口有豐齊河水入之長清境內行四十七里入齊河縣界此南岸界也其北岸界在大清橋西南張村集

濟南府志

卷六

山水二  
水總叙

三

齊河縣境內行五十七里又東北至丁家口入歷城縣界又東逕馬家渡至灤口有灤水會諸河之水入之又東逕馬家堂邢家渡張侍渡有巨合水入之又東北逕清河寺至任家岸歷城縣境內行七十七里入濟陽縣界逕縣城南而東北至鄆家渡濟陽縣境內行七十里入齊東縣界逕延安鎮有涓河水入之俗名壩河又東北逕劉家圈至縣城東北趙巖渡又東有減水河入之卽陳愷溝二河竝詳章邱縣又東北逕吳家莊至史家莊齊東縣境內行五十五里入青城縣界又東經蒲臺入利津界至牡蠣口入於海

按大清河自汶上至利津經十七州縣而濟南所屬則長清齊河歷城章邱臨邑濟陽齊東凡七縣皆大清河所經卽濟

水所經此濟南名郡所以相沿不改也顧舊說紛紜靡定今考自水經以下彙列於篇俾後之言濟者有考焉

漢桑欽水經云濟水出河東垣縣東王屋山爲沅水又東至溫縣西北爲濟水又東過其縣北屈從縣東南流過隕城西又南營壘縣北南入於河與河合流又東過成臯縣北又東過滎陽縣北又東至礫谿南東出過蒙澤北又東過陽武縣南又東過封邱縣北又東過平邱縣南又東過濟陽縣北又東過冤句縣南又東過定陶縣南又屈從縣東北流又東至乘氏縣西分爲二其一水東南流其一水從縣東北流入鉅野澤又東北過壽張縣西界安民亭南汶水從東北來注之又北過須昌縣西又北過穀城縣西又北過臨邑縣東又東北過盧縣北又東北過

# 濟南府志

## 卷六

山水二  
水總敘

四

臺縣北又東北過管縣南又東過梁鄒縣北又東北過臨濟縣南又東北過利縣西又東北過甲下邑入於河

後魏酈道元注云濟水當王莽之世川瀆枯竭其後水流逕通津梁勢改尋梁脈水不與昔同又云濟水西有安民亭亭北對安民山東臨濟水東卽無鹽界也臨邑縣有濟水祠王莽之穀城亭也水有石門以石爲之故濟水之門也濟水又逕盧縣故城北北濟北郡治也漢和帝永元二年分泰山置蓋以濟水在北故也濟南郡治也漢文帝十六年置爲王國景帝二年爲郡王莽更名樂安山海經曰濟水絕鉅野注勃海入齊琅槐東北郭

景純曰濟自滎陽至樂安博昌入海今河竭濟水仍流不絕經言入河二說竝失然河水於濟濕之北別流注海今所輟流者



惟濕水爾郭或以爲濟注之卽實非也尋經脈水不如山經之爲密矣

唐杜佑通典云濟水之在河北者王莽時旱此水枯涸水但入河而已不復戰河而南而水經敘濟乃一依禹貢舊道此不詳之甚又濟南濟北濟陽濟陰凡郡國附濟爲名者皆命名不審宋黃度尚書說云杜佑通典力詆乘欽以爲濟瀆已斷濟水與禹貢不同爲謬何如曰非也濟水雖絕其瀆猶在雖中間皆經穿鑿變易或斷或續然水之附入於其瀆者猶可尋求緝之以存禹迹非無理佑言爲過

顧祖禹方輿紀要云今大清河自汶上縣北出至東平州西安山牖又西北與運河分流經東阿縣西復折而東北徑東阿縣

### 濟南府志

#### 卷六

山水二  
水總敘

五

北又東徑平陰縣西北又東北徑長清縣北齊河縣東又北徑歷城縣北而東北會於灤水又北徑臨邑縣東又東北徑濟陽縣南又北徑齊東縣北又東北徑武定州南又東徑青城縣北及濱州之南又東北徑蒲臺縣北至高苑縣北又北徑利津縣東而東北入於海繇安山牖而下皆謂之大清河近志元人始於孟陽縣北築堽城壩過汶水入汎以通運河永樂中又於東平州東築戴村壩盡道汶水入會通河今之大清河乃自平陰縣南之柳溝諸泉由東平州北門外過西折而東北夏秋運河泛漲則張秋以南東岸有減水牖分流來合而東北出卽濟水之故道說者謂大清河古濟而今汶者也夫濟流雖與古異然今東平歷下諸泉皆入大清河則仍爲濟水溢流不得全謂之

汶水矣

胡渭禹貢錐指云以今輿地言之自東平會汶以下東阿平陰長清齊河歷城章邱長山新城高苑博興樂安諸縣界中皆禹貢濟水入海之所經也

謹按桑欽之敘濟水一本禹貢自杜佑以爲濟瀆已斷力詆其非宋黃度又直闢杜佑之說論議軫軫歧中有歧近閱恩餘堂集恭載乾隆四十九年二月

高宗純皇帝御製濟水考一篇原本禹貢而證以

鑿輅所親見發爲論曰卽如禹貢所云入于河者非濟之清流入黃也蓋卽伏於黃之底所謂入也溢爲滎則又見而出爲滎地志所謂卽滎波之滎見豫州者三伏三見此其一證然其伏見原亦無

濟南府志

卷六

山水二  
水總敘

六

定處而無定數也宋樂史所云清河卽今之大清河唐李賢所謂濟水東貫滑曹鄆青以入于海者也大學士彭元瑞紀昀等博考輟說以釋之曰自古說經家與地家言濟水者其殊趣有三以濟爲截河南溢者妄僕數三伏三見者泥不知大清爲濟水者昧伏讀

聖製於諸家之說無不苞孕卽無不折衷以至神至奇之識析至平至易之理氣盛辭達與天地經流相稱而世之解經譴地者得所依歸雖有異說無容置喙矣

小清河舊志云一名灤水源出趵突泉由華不注山下東行會巨合水又東經章邱會清河又會濰河合流經鄒平長山新城又會牟婦河又東經青州東北諸縣界入海齊乘曰古灤水自華

不注山東入大清河偽齊劉豫乃導之東行爲小清河自歷城東逕章邱鄒平長山新城又會孝婦河東逕高苑博興合時水東北至馬車瀆入海曲行幾五百里今海運久廢河道淤塞而其水復由華不注東北入大清河焉潁水合西南羣峪之水遇秋雨漲溢不能盡循河道奔潰四出至鄒平界則潁水入澗山灤至新城界則又合羣水入青沙泊近水田廬盡遭漂沒康熙乙丑巡撫張鵬博採衆議復濬小清故道由章邱濬潁河逕鄒平澗山灤北逕長山至新城青沙泊又北逕高苑至博興與時水匯又東北入海

通志云小清河本濟水故道今以章邱縣東南東陵山潁水爲原北流逕普集東臯莊山頭店太平橋至萬家口分支東入澗

濟南府志

卷六

山水二  
水總敘

七

山灤其經流又北逕通濟橋折而東逕紀家口至段家橋草邱境內行九十一里入鄒平界又東逕宋家口至清河溝澗山灤之水復歸入之又東逕對門口有沙河水入之又東逕開河莊至郭家口有白條河水入之又東北逕姚王莊鄒平縣境內行七十里入長山縣界又東北逕舊口莊安家橋至陶唐口莊南岸分支作月河入清沙泊其經流又東北逕三教堂至北宋家套長山縣境內行五十一里入新城縣界行八里其北岸接入高苑縣界東逕博興樂安由淄河門入於海

齊乘云小清爲運鹽河初行高苑縣北金皇統開縣令高通改由縣南長沙溝然此水遷回上流歧潞鹽舟多梗議者欲引孝婦水西注上流非計也蓋小清舟不過欲達大清耳若自博興

引渠至蒲臺立堰平原僅五十里徑達大清矣

章邱新志云齊乘以大清爲濟水故道小清爲劉豫所創雖博核如閻百詩猶取其說著尚書古文疏證無怪諸志家之承訛踵謬矣黃子鴻以小清爲濟水故道胡朏明謂足以正三百年積傳之誤此語甚確考濟水山海經謂之濼水禹貢謂之沔水自陶邱東北以下謂之濟水秦王賁開鴻溝以後河水始亂濟漢成帝以後濟水故渠中專行河水於是謂之出河之濟唐天寶後大河西決出河之濟亦廢陶邱西南濟水已無上游陶邱東北行濟渠者惟菏水汶水又東北會灤水入海耳宋熙寧十年河決入梁山泊分二派其北派行濟渠至歷城東北又挾濟渠中之菏水汶水灤水走濟陽入濕水故渠金明昌五年大河

濟南府志

卷六

山水二  
水總敘

八

北決又循茲道此大清河所由成是大清河實濟水而渠非濟渠也河水退後清汶灤三水不能自返濟渠由是菏汶之水終入大清而劉豫獨堰灤水使仍由濟渠又東北益以入濟之巨合芹溝百脈水以成川於是謂之小鹽河卽小清河是小清河水僅濟水之下流而渠實濟渠也按水經注云濟水又東北灤水入焉又東北逕華不注山又東北過臺縣北巨合水挾關盧水武原水白野泉水聽水注之又東北合芹溝水又東北過晉縣南右納百脈水又東楊緒溝水注之此鄒平以西章邱濟水故道也又東逕梁鄒縣故城北龍水時水注之又東北過臨濟縣南以此尋其上下源委與水經俱合若大清河所逕之地在濟陽齊東濱州濟寧諸縣境以濟水故道考之多不合矣又按

元和志敘述濟水章邱縣濟水西去縣十七里臨濟縣濟水在縣南二十里此敘章邱濟水故道也鄒平縣濟水南去縣三十五里長山縣濟水西北去縣三十五里高苑縣濟水北去縣七十步驗其所逕均與水經合並是小清舊渠而非大清所逕之地可以證小清故河之爲濟水故道也

按大清小清皆自宋末以後爲金元之運鹽河小清之廢約在明嘉靖年獺水孤行小清渠中北方旱歲較多渠水常小無業者多取河壩之地認墾陞科久侵久削所留河身甚狹瀕河低鄉又或依附隄岸築屋以居且相冢圖墓於此河身益狹遇天雨小則渠水漫溢大則渠水衝決自章邱城東鄒平長山新城四縣均受其害東且及青州之高苑博興樂安三屬矣今姑就府中四縣記之四縣上流之害自章邱始獺水由章邱城東六里大石橋北行數十里入小清故渠折而東南至宋家莊東清河溝口納澗山灤之停水

國朝順治四年獺水北行於經渠東岸決渠而出徑灌澗山灤今

所云萬家口也康熙初年張大中丞爲建灰壩堵塞決口仍

入經渠其後水又大至渠不能容而萬家口亦溢一時欲規

湖田爲利者爭塞萬家口欲泄河渠之漲者爭開萬家口訐

訟不休桑大中丞爲設滾水壩止高二尺水大則從口泄水

五分入灤下亦安流其後水又大至居壩上游者咎其遏水

欲低之居壩下游者咎其走水欲高之乾隆二年陞任倉場

侍郎陳爲請蓄濟渠而於萬家口不復議塞相沿至今不塞

濟南府志

卷六

山水二  
水總敘

而濬渠之工亦復不能興其役也

季婦河通志云自博山縣南顏文姜祠下發源北入淄川縣界有般水入之淄川境內行六十里北至義集入長山縣界又西北至黃土涯有雨水入之又西北逕于家套黃家莊又逕縣城南范公祠由永安橋通濟橋又西北逕雍家莊折而東北逕夏寨至宰村長山境內行七十里入新城界東逕縣城東南又東北至拔頭村入麻大泊卽魚龍灣有德會水由鄭黃溝入之又東入博興縣界有時水入之又東入會城泊在新城高苑界有澗水入之自麻大泊東北受時水卽田傳家口至灣頭橋西入小清河又自會城泊受澗水卽逕后子窪至利建橋入小清河同歸淄河門入海又一支出會城泊東入博興縣預備河入樂安

濟南府志

卷六

山水二  
水總敘

一

界行六十餘里仍會小清河同歸淄河門入海

按季婦河在郡屬行三縣中而般水萌水德會水俱詳各縣中見後

運河一名衛河通志云卽漢之屯氏河也漢塞宣房後河決館陶東北至章武入海恩德清滄之間實爲大河故濬建安中遏淇水入白溝以通糧道隋大業中詔開永濟渠北通涿郡又名御河周世宗開浚御河爲薊燕漕運計宋時運道河北衛州東北有御河達乾寧軍慶歷八年河決商胡埽自澶州東北逕清豐南樂至大名府又東北合永濟渠逕冠氏館陶臨清宗城清河夏津武城棗強將陵蓆縣東光南皮清池興寧水合東北逕乾寧軍又東北逕獨流口又東至劈地口入於海卽御河之所經

也崇孟初詔開臨清壩子口增修御河西隄開置斗門決大名恩冀滄州永靜軍積水入御河金之設都去潞水五十里爲牐以節高良河白蓮潭諸水南會御河以通河北山東之粟宣宗遷汴故道湮廢元都子燕至元初復加修浚江淮漕運沂黃河而上抵中灤城陸轉至淇門仍以舟載由衛河達京跋涉維艱公私交瘁改就海運又有風濤之險於是兩議開河而會通河之道啟矣又云衛河自臨清板牐下至德州桑園計長三百五十里

按運河古名清河與濟灤之清河名同而水異也其水本入禹河周定王五年河徙不由鄴東而淇水清水及蕩水洹水諸流無所入遂別行東北合爲一渠謂之清河後漢建安時

## 濟南府志

### 卷六

山水二  
水總敘

十一

修爲白溝渠隋又導衛輝縣百門泉入之爲永濟渠亦曰衛河宋元豐四年河決澶州入濟南出濟南合衛河下流入海元明以來會通河成以衛河接牐漕至今用之舊管河道南起新審口北訖八里堂中開計河五十餘里屬德州及南衛北衛畫十四段分管南衛所分管之河四女寺有減水河自運河東岸出由恩縣入德州境穿陳公隄東至黃河涯注老黃河今呼減水河爲南支河明代尚書宋禮所開也

國朝雍正十二年又分段南起直隸故城縣界白馬廟北訖恩縣蔡家莊計五十四里除恩縣分管十二里實計四十一里屬衛管之南運河南起恩縣蔡家莊北訖哨馬營石壩計四十五里屬州管運河南起哨馬營石壩北訖柘園鎮計七十里

屬衛管之北運河是年直隸總督李議開哨馬營滾水石壩  
爲北支河并築支河隄山東巡撫岳以遏絕城水去路爭之  
不能得起工於雍正十二年訖工於乾隆元年至二十五年  
庚辰大挑北支河明年辛巳河決草壩又決蔡家莊附城數  
十村莊漂沒殆盡城郭倉庫幾於陸沈貽患至今未已近人  
有作支河說及支河廢隄論竝詳藝文志中

九河故道爾雅云九河禹所名也齊乘云古河朱文公九歌註曰  
禹治河至兗州分爲九道以殺其溢其閒相去二百餘里徒駭  
最北鬲津最南徒駭是河之本道東出分爲八枝也胡氏大記  
曰大陸澤北九河之地平延漫流易淤故禹多與之地使下流  
通曠齊桓擅一時之利適河行徒駭因以入河之地充樹藝立

濟南府志

卷六

山水二  
水總敘

三

城邑下流始迫隘爲患欽按河過大陸趨海勢大土平遷徙不  
常自播爲九河禹因而疏之非河獨行經流禹於附近支鑿以  
殺其溢也禹後歷三代至齊桓時千五百餘年矣支流漸絕經  
流獨行亦理勢如此非齊桓冒曲防之禁故塞九河實九河自  
爲平陸可樹藝耳至定王五年河遂南徙漢世漸決而南元帝  
永光中決于清河分流入博州後又決於平原乃東入青齊二  
州之境遂由漯川與濟並行入海宋紹熙以後乃南連大野並  
泗入淮金初又改由渦近歲復由泗入淮淮泗俱清淮勢大可  
以吞伏故下流無淤塞之患惟汴宋之郊盤屈平壤潰決如故  
自定王以來又千五百餘年河自北而南徙千餘里今按桑田  
之地講求變遷之陵谷欲盡合古書難矣漢世去古未遠河隄



都尉許商言九河故道謂徒駭在成平胡蘇在東光鬲津在鬲縣曰太史曰馬頰曰覆釜在東光之北成平之南曰簡曰潔曰鈎盤在東光之南鬲縣之北斯言簡而近實後世圖志雖詳反見淆亂蔡氏書傳乃曰自漢以來講求九河皆無依據祖王橫之言引碣石爲證謂九河已淪於海欽按禹貢文北過澤水至於大陸又北播爲九河同爲逆河入于海大陸在邢趙深三州之地爾雅之廣阿澤也去海岸已數百里又東至海中始敘九河則大陸與九河相離千里如是之遠而絕無表志不合禹貢之文其不可信一也王橫謂海溢出浸數百里而青兗營平郡邑不聞有漂沒之處而獨浸九河其不可信二也今平原迤北清滄之間雖爲樹藝城邑相望而地形河勢高隱曲折往往可

濟南府志

卷六

山水二  
水總敘

三

尋但禹初爲九厥後或三或五變遷多寡不同必欲按名而索致後儒紛紛之論不得不辨

通志云九河故道久湮未易確指惟鬲津最南本屬鬲縣而鈎盤亦卽在鬲縣之北東省北境實瀕此二河矣今兩考其迹而鬲津較爲有據云又云漢志鬲縣以水得名卽鬲津之所經也德州有鬲津枯河東逕陵縣北又東逕德平縣北又東逕樂陵縣北又東逕慶雲縣南又東北逕鹽山縣東南又東北逕海豐縣西北又東北入海漢有般縣亦卽鈎盤之所經也故城在德平縣東北城南二十里有般河後漢初平二年公孫瓚破黃巾於槃河卽此也近志陵縣德平樂陵商河惠民陽信海豐霑化縣界中竝稱有鈎盤河似屬可據但旣云鬲津最南不應鈎盤

又在鬲津之南金志云將陵縣有鈎盤河將陵故城在今陵縣北五十里此爲近之矣西漢以上大河故瀆按西漢以上大河水經謂之大河故瀆亦曰北瀆春秋周定王五年禹河東徙之道也歷西漢至王莽時空故又曰王莽河水經注大河故瀆東北逕靈縣故城南此入府之上游今高唐州地又東逕鄒縣故城東鄒縣故城括地志云在平原縣西南三十里又東逕平原縣故城西平原志云今縣南二十五里張官店有古城爲平原古城無疑又北逕繹幕縣故城東北西流逕平原鬲縣故城西又北逕修縣故城東修卽舊字又北逕安陵縣西出府界入吳橋矣又由東光西北合漳水復歸禹河故道又東北歷浮陽參戶平舒至章武入海通

濟南府志

卷六

山水二  
水總敘

四

志云以今輿地言之平原德州皆西漢大河之所行也周自定王五年逮王莽始建國三年凡六百七十二歲而北瀆遂空

東漢以下大河故瀆按東漢以下大河水經注所稱河水者是也亦稱大河河決於王莽時後漢永平十三年王景治河功成水經因而敘之水經注河水東北逕四瀆津此府界河之上游又東北過高唐縣界考禹城西南界古高唐城也今入齊河西界又東北逕高唐縣故城西京相璠曰本平原縣齊之西鄙也大河逕其西而不出其東又北逕張公城臨側河湄有張公渡因魏青州刺史張準之得名又北逕平原縣故城東按河由古高唐及張公城西猶是西漢大河所共行至平原則西漢河行平原城西東漢河行平原城東而分渠矣大河右溢世謂之甘

聚溝又東北逕阿陽古城西寰宇記在廢禹城西北五十五里  
又東北過潔陰縣北自平原左逕安德城東而北爲鹿角津右  
逕潔陰縣故城北又東北爲潔沃津按河由此出府界矣又東  
逕千乘利縣又東分爲二水枝津東逕甲下城南東南歷馬常  
坑注濟又東過甲下邑又東北入於海

唐五代大河故瀆按唐制河北道衛澶博德棣滄七州河南道  
滑濮濟齊淄五州皆瀕河郡也以元和郡縣志及寰宇記考之  
河之南岸自平陰縣北入府界東逕長清縣北河在縣北五十  
五里其北岸則平原縣河在縣南五十里安德縣河在縣南十  
八里又東逕臨邑縣北河在縣北七十里又東逕濟縣北河  
在縣北八十里又東北逕鄒平縣西北河在縣西北八十里以

濟南府志

卷六

山水二  
水總敘

五

下入商河出府界通志云以今輿地言之長清平原陵縣臨邑  
鄒平濟陽界中皆唐歷五代以及宋初黃河之所行也自漢明  
帝永平十三年王景治河功成逮宋仁宗景祐元年有橫隴之  
決慶歷八年復決於商胡凡九百七十七歲而漢唐之河遂廢  
宋橫隴決河故瀆按宋初河道與唐五代畧同所謂京東故道  
也真宗景德元年河決澶州橫隴埽在今開州東尋復修塞景  
祐元年又決橫隴遂爲大河之經流自濮州東平范縣陽穀東  
阿北入府界至長清縣北河在縣北二十五里卽橫隴決河之  
所行也自長清而下東北入平原界則與京東故道合矣慶歷  
八年河又決澶州之商胡埽而橫隴斷流謂之橫隴故道

宋二股河故瀆按宋韓贄言古大河卽王莽河二股河出其東

南自魏恩東至德滄入海二股河者商胡決河之別派卽唐之馬頰河故道也以今輿地言之二股河合馬頰河東北至德平縣合篤馬河又東北逕樂陵縣合鬲津河至海豐縣入海

宋商胡決河故濱接宋大中祥符四年河決通利軍合御河尋經塞治至慶歷八年自澶州東北三十里商胡埽決北經清豐南樂至大名府合永濟渠卽今衛河又東北逕冠氏館陶臨清夏津武城又東逕將陵縣北又東逕舊縣南以今輿地言之德州界中宋時黃河北流之所經也自仁宗慶歷八年下逮金章宗明昌五年而河決陽武出胙城南南北分流入海凡一百四十六歲

金明昌河徙陽武故道按金章宗明昌五年河徙自陽武而東

濟南府志

卷六

山水二  
水總敘

六

歷延津至壽張注梁山濼分爲二派北派由北清河入海今大清河自東平歷東阿平陰入長清齊河歷城濟陽齊東由惠民至利津入海者是也南派由南清河入淮今會通河自東平歷汶上嘉祥濟寧會泗水至清河縣入淮者是也河匯梁山濼分二派入南北清河自宋熙寧十年始尋經塞治至是復行其道而汲胙之流絕下逮元世祖至元間河又徙自新鄉出陽武之南凡九十餘歲

元至元大河南徙經流按元至元九年河決新鄉縣廣盈倉岸蓋河本在新鄉陽武間也至元二十三年河決衝哭河南郡縣凡十五處二十五年汴梁洛陽武等縣河決二十二所是時又徙出陽武縣南而新鄉之流絕按志銓次自河南之武陟滎澤

北岸則獲嘉原武陽武延津封邱陳留蘭陽儀封由東省之曹縣單縣距府界較遠又經江南之豐縣至徐郡北與泗水合歷邳州宿遷東逕桃源安東縣南而入於海自金明昌甲寅之徙河大半入淮而北清河之流猶未絕也逮元世祖至元二十六年會通河成於是始以一淮受全河之水凡九十五歲而府屬自是無河患矣

按自禹跡以下各河道俱本禹貢雖指載在通志茲取其有關府界者錄之

黃河故道通志云今謂之老黃河自直隸元城縣入山東冠縣界北逕館陶縣至臨清州踰會通河繞舊城威武門外始有沙河之名北入清平縣界又北入夏津縣界又北入恩縣界河形已

濟南府志

卷六

山水二  
水總敘

七

見水漸通流老黃河又東北逕平原縣境之看墳村至趙家莊轉入德州界又東北逕甜水舖至九龍廟口有四女樹減水插引河水入之又東北逕黃河涯擡頭寺果子李家莊尹家莊青楊寺至避雪店德州境內行五十六里入直隸吳橋縣界又逕縣城南至玉泉莊有哨馬營滾水壩支河水入之又東北入寧津縣逕南皮縣復入山東樂陵縣界行四十五里入直隸鹽山界又東入慶雲界又東復入鹽山界又東北入山東海豐縣界又東北至馬谷山前由大沽河口入海又云按歷代黃河故道不一此河自直隸元城縣至德州爲禹灑二渠之貝邱川漢爲王莽遂空又爲屯氏河支瀆自德州至樂陵爲鬲津河故道自直隸鹽山縣至海豐縣大沽河口則唐時所開之無棣溝也今

成一渠通謂之老黃河重加修濬可以洩漕河溢水故述之  
按通志以九河故道屬河防志而以黃河故道以下入山川  
志是歧而二之矣茲合爲一篇次第載之以便尋覽

高津河通志云九河之一白平原縣西南張官店大興莊匯水北  
流逕董家林爐坊邊城西北門又東北逕鄭家屯至譚家莊平  
原境內行四十九里入德州界又東逕王滿店至菜園莊德州  
境內行三十五里入陵縣界又東逕縣城西門分流環城至東  
橋合流東北逕三官廟與篤馬河會

按高津河據通志起平原逕德州入陵縣共行郡中二縣一  
州地爲古九河之一而德州志稿以爲亦新河而被以舊名  
也詳見後

濟南府志

卷六

山水二  
水總敘

六

馬頰河故道通志云自直隸元城縣白塚村入東省朝城縣界行  
一十二里入莘縣界行三十九里入冠縣界行六里入堂邑縣  
界又東北分爲二支南支由三空橋至中牖口入運河北支由  
元谷涵洞入運河以上故道皆湮僅存遺跡至博平田家口運  
河東岸滾水壩下方見河身自博平縣東北入清平界又東復  
入博平界東北復入清平界東北入高唐州界行三十里入夏  
津界行二十里入恩縣界南岸係平原縣境又東至王家莊入  
平原縣界又東北逕劉龍橋董路口至曲陸店平原境內行二  
十五里入德州界又東北逕土橋邊臨鎮王解莊至義渡口德  
州境內行九十里入德平縣界東北逕義渡橋與篤馬河會有  
高津河之上源焉又云唐時黃河故道因導水入篤馬河故亦

有馬頰之稱非禹跡也

按馬頰河據通志由平原逕德州入德平行郡中二縣一州地而陵邑志中亦列馬頰河蓋德州卽今陵縣也詳見後

篤馬河通志云亦名馬篤河見漢志俗名鴻溝河自平原縣南石家窪匯流東北逕何家窪松林王家橋至明吉店北有趙王河水入之又西北逕呂家莊至潘家莊平原境內行六十二里入陵縣界北至縣城東與鬲津河會又東北逕神頭店至王宣廟東陵縣境內行六十八里入德平縣界又東逕田家堰德平境內行二十五里至張習家橋入馬頰河馬頰河又東逕張習家橋范家橋杜家橋至韓家橋德平境內行六十里入樂陵縣界行六十七里入直隸慶雲縣界又東復入東省海豐縣界又東

濟南府志

卷六

山水二

水總敘

九

至月河口俗名沙土河口入於海

按篤馬河據通志行郡中平原陵縣德平三縣地寰宇記以爲卽馬頰河德州志稿辨之最詳見後

漯水故道通志云自朝城縣西南諸陂從楊家陂導流東北至賈家河頭入陽穀縣界行四十餘里入莘縣界又東北流復入陽穀界行三十里入聊城界又東入運河漯水自聊城縣運河東岸減水插分流行三十八里入博平界又北至鄧家橋爲古鳴犢河一河而異其名博平境內行五十二里入高唐州界俗名土河舊志遂謂之徒駭河也徒駭河高唐境內行六十三里又東北逕在平縣境行十里至珍珠廟入禹城縣界又東北逕葛戶屯油房橋至三岔口有管氏河入之又東逕董家橋西橋店

至麥陂口有趙牛河入之又云潔水源發東武陽縣今朝城尚有故陂遺蹟仍以潔川目之自高唐以下通名徒駭河

按潔水爲今徒駭河之上游自禹城以南謂之潔水禹城以北謂之徒駭河而章邱鄒平俱有潔水故道詳見後

趙牛河通志云自在平縣杜家窪匯水爲源東北逕趙家巖蘇家莊入東阿縣界逕孟嘗君廟東阿境內行九十里復入在平縣境行五十六里東北入長清縣界逕祁家河口東北分支作趙牛岔河入管氏河以轉入徒駭河其經流入齊河縣界又逕禹城縣境復入齊河受倪倫刁強二河之水入於徒駭河禹城境內行二十二里齊河境內共行五十里

按趙牛河自長清入齊河逕禹城共行三縣地起於明宏治

濟南府志

卷六

山水二  
水總敘

辛

中齊河縣合趙清縣丞牛文所開詳見後

徒駭河通志云禹城境內河一段名潔水河蓋古潔水所逕也徒

駭河又東北至張韓家橋禹城境內行一百零三里入齊河縣

界又東北逕祝家樓田家口橋蔣家橋至馮家莊齊河境內行

三十七里入臨邑縣界又東北逕廣惠橋博濟橋至齊家集臨

邑境內行一十三里復入齊河境逕邢王橋至長莊齊河境內

復行九里復入臨邑境東北逕閻家橋至潘家橋臨邑境內復

行五里入濟陽縣界又東逕夏口鎮有萬工河水入之又東北

逕路家橋田家屯杜家水口商家樓至劉清道口濟陽境內行

六十四里入商河縣界行五十三里入惠民縣界行八十六里

至丁家道口有商河水入之



按徒駭河由禹城入臨邑逕齊河至濟陽共行四縣地實潔水所逕非禹疏九河之徒駭也

商河通志云卽古滴河上源無攷今自濟陽縣新市大莊匯水東流逕東西瓦屋頭至溫家橋入商河縣界東行一百一十里入惠民縣界爲龍蹤河入濱州界至丁家道口入徒駭河徒駭河自丁家道口東北流有沙河水入之

按商河濟陽縣志謂卽古夾馬河由禹城逕德州衛入臨邑至濟陽共行三縣一衛地詳見後

沙河通志云自德平縣境朱家莊匯流東入商河縣界逕左家莊沙河鎮至楊家菴德平境內行四十五里入惠民縣界東行三十六里入陽信縣界東北復入惠民境東入徒駭河徒駭河又

### 濟南府志

#### 卷六

山水二  
水總敘

三

東入霑化縣界又東北分爲舍河逕富國鎮合流至大洋堡口入於海

按沙河所行在郡屬只德平一縣而沙河之入海實卽漯水趙牛河徒駭河商河之歸宿也故依通志備錄之

### 歷城 水

大明湖在府城內西北隅舊志云源出濯纓珍珠諸泉濟南城中水居三之一焉魚蓮菱芡利用最多湖光浩渺山色遙連鼓棹其中江北之勝地也由北水門出注大小清河入海

水經注云大明湖西卽大明寺寺東北兩面側湖此水便成淨池也池上有容亭左右楸桐負日俯仰目對魚鳥水木明瑟可謂濠梁之性物矣無違矣湖水引瀆東入西郭東至歷城西而

側城北注又云陂水上承東城歷祀下泉泉源發其水北流逕歷城東又北引水爲流杯池州僚寶燕公私多萃其上分爲二水右水北出左水西逕歷城北西北爲陂謂之歷水與濼水會又北歷水枝津首受歷水於歷城東東北逕東城城西而北出郭又北注濼水又北聽水出焉濼水又北流注于濟謂之濼口也

齊乘曰大明湖亦源於濼城西五龍潭側古有北渚亭豈池亭遺跡邪湖在今府城內周十餘里卽歷下泉源競發北流出郭者也

通志云古明湖在城內西北匯在城諸泉之水周十餘里由北水門出會濼水水經注濼水北爲大明湖則大明湖亦源於濼

濟南府志

卷六

山水二  
歷城水

三

與今池亭不合

舊志云按水經注謂濼水北爲大明湖齊乘謂大明湖亦源於濼明一統志謂源出舜泉今濼水遶城北流向東不入城舜泉亦止成一井不流諸書皆誤

歷城舊志云大明湖北注會波橋遠通華不注冬泛冰天夏挹荷浪秋容蘆雪春色楊烟鼓柁其中如游香國王季木曰湖出城中擅奇宇內異在恒雨不漲久旱不涸蛇不見蛙不鳴雖夾蘆爲沼有磯大觀然蓮菱魚蔬利用多矣

歷城新志云濼水北爲大明湖則湖自在城西南蓋濼源左右前後發地皆泉其諸爲湖卽去濼源泉不遠今此地半爲衢肆蓋後人築土水中爲之耳求其地而不得乃以今城內之湖當

之其誤蓋自金元以前矣

按水經注言舜祠下泉引爲流杯池後分左水西逕歷城北西北爲陂謂之歷水而會灤水是城中明有灤水矣寰宇記四望湖在城外固灤水也而言分流入縣城又由縣北門入州城西歷諸解署西之水並及灤水是不第州城中有灤水卽縣城中先有灤水矣今府城西北大明湖水經注止謂之陂謂之歷水寰宇記謂之解署西水後乃謂之西湖金代謂之大明湖至今沿之湖源於歷水出於北水門至今不異唯今無縣之子城及城內無灤水耳

按水經大明湖在城外寰宇記四望湖亦在城外皆灤水也兩湖似屬一湖特有古今名之異湖水入城必有從入之途

濟南府志

卷六

山水二水  
歷城水

三

別無所攻惟城之西南隅有一空心樓崇禎十三年歷城令楊蕙芳得西洋法所建或其時就昔日水門外重一試其法至

國朝康熙中趙錢兩大中丞修城時亦因仍之若城垣下行水之路自金元以上早杜絕之故元好問濟南行記于欽齊乘皆不言城中有灤水也

峭山湖在府城北十五里舊志云灤水舊並大明湖北流繞峭華匯爲湖今則莽然田壤無復烟波蓋自僞齊劉豫自城北導之東行流爲小清河湖水遂竭

濯纓湖舊志云在府城內都司西北明成化初規入藩邸德莊王記云濟南七十二泉惟白雲珍珠濯纓灰泉在宮內是也今在

巡撫公署內縣志云本名灰泉合北珍珠散水濯纓硃砂劉氏溪亭諸泉皆匯此周廣數畝元憲副竹希仁改今名

其按城內各泉惟珍珠濯纓芙蓉三泉爲大珍珠泉在巡撫公署內濯纓泉稱湖前在德王宮內今在院署西牆外百餘步俗稱王府池圍圓四十餘丈由地溝北流穿民居起鳳橋下至院後會珍珠泉水經百花鵲華兩橋入大明湖芙蓉泉在芙蓉街西鋪面後泉池圍方十丈餘由地溝北流至府學前一支入泮池東流爲玉帶河又北流至鵲華橋入大明湖一支西流由地溝穿貢院內華筆池又西通布政使司儀門內鳳翥池西北出署入大明湖珍珠濯纓二泉及芙蓉泉北流入湖其地溝水道皆有跡可尋至芙蓉泉西流之地溝水

濟南府志

卷六

山水一  
歷城水

一

道向無人知道光十六年鎮在濟南府任內挑挖護城河後復疏濬城內各泉盡發地溝而去其淤始備悉其原委焉寰宇記所謂歷諸解署者蓋由來久矣

白雲湖在歷城東北章邱縣界周六十里縣志云俗名劉郎中泊有魚藕芰芡蒲葦之利洪武間設河泊所歲有課入今裁章邱新志云按白雲湖介在歷章之間歷城得湖之七章邱得湖之三今湖水漸竭惟湖心尚生蘆葦

四望湖縣志云大明湖之別者寰宇記云四望湖在縣西二百步其水分流入縣城至街中與孝感水合流入州城西出四泉合流今考城西無入城之水疑古今水道不同也

按古歷城甚小乃今府城西南一隅耳東不逾舜井北不逾

小太平寺街孝感泉其外大城乃晉義熙後廓而大之在酈道  
元注水經以前下及北宋太平興國之朝形勢未改寰宇記  
其所言與水經注所說正同也

景陽湖歷城舊志云在冷水溝西北與廣平湖俱屬德藩  
滄扈湖縣志云在平陵城東諸水注之不盈故名

按歷城舊志載湖之屬凡八而通志止載大明峭山二湖舊  
志增以濯纓而白雲介在章邱四望附近明湖宜存其目至  
景陽廣平滄扈既各以湖名不可畧也故茲載之

灤水舊志云源出趵突泉水經曰濟水又東北灤水入焉注曰灤  
水出歷城縣故城西南泉源上奮水涌若輪春秋桓公十八年  
公會齊侯于灤是也俗謂之爲娥英水以泉源有舜妃娥英廟

### 濟南府志

#### 卷六

山水一  
歷城水

五

故也齊乘曰源曰趵突流曰灤東導曰小清通志云灤水在歷  
城縣北十二里謂之灤口

齊乘曰今府城西平地泉源騰湧雪濤數尺聲如隱雷芻合馬  
跑金線諸泉周可數畝北出又合蜜脂五龍眾泉竝城北流屈  
而東至城北水門大明湖水出而注之東北至華不注山合華  
泉山之西南引水溉田水經謂之歷水陂餘波西注大清曰聽  
水卽今之響河古灤水自華不注山東北入大清河僞齊劉豫  
乃導之東行爲小清河自歷城東逕章邱鄒平又東逕般陽之  
長山新城又東逕高苑至博興合時水東北至馬車濱入海曲  
行幾五百里故自濟南東傳博興南源掇水古入濟者今竝入

小清焉

聽水舊志云出府城東南經華不注西南引入漑田水經謂之歷水陂餘波西注大清曰聽水卽今之響河通志云在歷城縣東北十里自西南馬鞍玉函諸山澗水會流至捍石橋東北逕迎仙橋孫家牖口北與柳塘河會又北與灤水會水經注謂之歷水陂餘波西注卽今之響河也

水經注云聽水上承灤水東流北屈又東北流注於巨合水亂流又北入於濟

按歷城新志云聽水自注巨合水入濟水經注甚明齊乘以樂之下流名曰響河者當之非也

華水舊志云在華不注山下有泉曰華泉左傳丑父使公下車如

華泉取飲卽此三齊記云歷山下有無底井與此泉通今泉淤

### 濟南府志

#### 卷六

山水二  
歷城一水

美

塞不流水經注曰華不注山下有華泉又謂之華水北絕聽瀆二十里流注於濟

巨合水舊志云府城東七十里曰巨里自宋爲龍山鎮水出鎮南五十里曰榆科泉逕巨里西至鎮北五里與武原水合故曰巨合又名巨冶河流入大清土人謂之擡頭河

水經注曰巨合水南出雞山西北逕巨合故城西耿弇之討張步也守巨里卽此城也巨合水又北合關盧水西北逕臺縣故城南西北流白野泉水注之又北聽水注之又北入於濟

齊乘曰按巨里在歷城東七十里自宋爲龍山鎮巨合水出鎮南五十里曰榆科泉逕巨里西武原水出鎮南十餘里曰江水泉逕巨里東俗訛爲東西巨冶河俱北流五里餘乃相合北入

小清河巨合之得名以此

武原水舊志云出龍山鎮南十餘里曰江水泉又名全節河通志云在縣東七十里源出龍山鎮南江水泉逕東平陵故城至鎮西與巨合水會

水經注云武原水出譚城南平澤中世謂之武原淵北逕譚城東俗謂之布城也又北逕東平陵縣故城西又北逕巨合城東合關盧水西出注巨合水

關盧水水經注云巨合水又北合關盧水水導源馬耳山北逕博亭城西西北流至平陵城與武原水合

章邱新志云按關盧水出雞山圈之雙水泉西北出山口又北流會馬頭山東麓之長水在章邱境內行二十餘里入歷城界

濟南府志

卷六

山水二  
歷城 水

五

又北經龍山鎮東納武原上源水又西北流會于巨合土人謂之會川河亦名龍山河

玉水縣志云以玉符山得名源出長城嶺仙龍潭

水經注云玉水導源泰山朗公谷舊名琨瑞溪亦謂之琨瑞水其水西北流經玉符山又曰玉水

太平寰宇記云長清縣玉水自歷城縣東南流入縣境

按舊志載歷城之水凡五而漏關盧玉水二水茲據縣志補之而得七水焉

府城河舊志云府城以外盈盈皆水也西南則趵突金線諸泉東

南則珍珠黑虎諸泉城內則珍珠濯纓諸泉匯爲明湖達北門

出合東西兩水環而繞之獨南方高亢則以二廂而蓄眾泉之

水焉縣志云舊有牐二曰永清曰廣濟

玉帶河歷城舊志云水出濯纓湖分派入府庠經啟聖祠折而西又折而北於崇制閣前轉而東復入明湖又云郡守樊公時英於巽方建一亭亭前匯一池水來潺湲有聲今水改北流此河遂涸

白泉河在歷城縣東三里通志云水出王舍莊之東北會合諸泉西北會巨合水入遙牆河

壩子河在壩子屯東縣志云源出白泉流入遙牆河

沙河在歷城縣東北十五里臥牛山後通志云西逕張馬屯入遙牆河同入大清河縣志云其源東發冷水溝西發張馬屯流入大清

濟南府志

卷六

山水二  
歷城 水

天

耙道河在水泊前縣志云源出張馬泊花泉流經沙河入大清

遙牆河在沙河北二十里縣志云在遙牆西流入大清

七里河在城東七里縣志云源出漿水泉流至小莊而伏

十里河在城東十里縣志云源出火關經月卽涸

柳塘河在歷城縣西南十五里縣志云在黃岡後流經聽水入大

清河通志云源發奎山下東北逕黃岡由八卦橋茶棚橋至孫家牐橋與聽水會

中宮河在中宮鎮南縣志云卽錦川下流置橋虞漲置舟虞涸行人過秋病涉流經岫山河入大清

雲河在擒口峪北通志云源出清采黃樞等泉匯流入中宮錦繡

川



閭家河通志云在中宮東南梨峪中源出印度泉流入錦陽川  
茶臼河在齊城峪中縣志云源出袁洪峪及水水臺北流入錦陽

川

于家河在水屯前縣志云稻屯之水悉仰給此河

小河在龍潭迤北縣志云密脂諸泉匯爲溪流蓮塘蔬圃相錯如  
繡垂柳覆堤遊人就浴其流北注稍折而西入於聽水

張河縣志云懷家窪在鵲華北周廣六十餘里張公鶴鳴爲渠洩  
其水遂爲腴田見張河記

陳宁新開張河記云起鵲山東北十里許迤邐而東之長三十  
里闊三十尺深五尺又一起徐家店迤北延袤十五里許深闊  
如前二水合流俱入大清河河名張志姓也

濟南府志

卷六

山水二  
歷城 水

羌

按歷城之水以河名者大小清而外通志載柳塘河白泉河  
沙河遙牆河閭家河雲河凡六而舊志止載一府城河缺畧  
已甚茲據歷城舊志補之共一十有七云

錦繡川在中宮東通志云在縣南五十里地名中宮鎮今曰北川  
又俗名謂之大澗溝行六十里西流逕嶗山橋入長清縣豐齊  
河縣志云一名北川延袤六十餘里泉石之勝疊現層出劉函  
山所著集中強半咏北川風物流經嶗山入濟水

錦陽川在中宮東南縣志云延袤六十餘里或以雲林競秀或以

山水呈奇天開畫圖劉函山有詩

錦雲川在中宮南縣志云一名南川延袤六十餘里山川爭秀與

錦繡錦陽鼎踞其勝云

按以上三川錦繡爲北川錦雲爲南川則錦陽爲中川也  
趵突泉在歷城縣西一里舊志云灤水之源也一名瀑流春秋桓  
公十八年公會齊侯於灤卽此岱陰之水伏流至城西南發爲  
此泉三窟突起雪濤數尺聲如隱雷冬夏如一明一統志云濟  
南名泉七十二趵突爲上金線珍珠次之餘不能與三泉埒也  
康熙甲子九月恭逢

聖駕東巡狩十月庚子駐蹕泉上湧輪亭

御書激湍二字立碑建亭於泉之北

舊志云齊乘曰會南豐齊州二堂記云太山之北與齊東南諸  
谷之水西北會於黑水之灣又西北會於柏崖之灣而至於渴  
馬之厓泊然而止至歷城西湧出趵突之泉嘗有棄糠於黑水

濟南府志

卷六

山水二  
歷城水

三

灣者見之於此其注而北謂之灤水齊多甘泉顯名者十數而  
色味皆同皆灤水之湧出者蔡氏援此以證灤水之伏破程氏  
之論當矣又取沈存中筆談謂歷水發地皆泉濟水經過其下  
自相矛盾何邪且古濟行清河如在井底南仰泉源遙在山麓  
豈能相及今黃山渴馬厓水伏而可證又龍洞山中朗公谷諸  
水東西伏流土人云西發趵突東發百脈驗之信然蓋歷下諸  
泉皆岱陰伏流所發西則趵突爲魁東則百脈爲冠地勢使然  
何關於濟存中得之傳聞九峯按圖索驥容有疑誤近官濟南  
者遂定以灤爲濟建濟瀆廟於泉上謬矣

通志云趵突泉七十二名泉之一也其水平地三窟水涌若輪  
又謂之溫泉泉旁蔬甲經冬常榮蓋泉之在齊魯者皆濟水之

伏流而見者也

謹按濟水伏見不常先儒多主其說舊志載于氏齊乘之說獨以爲非茲閱恩餘堂集恭載乾隆四十九年二月

高宗純皇帝御製濟水考原本禹貢證以

鑾輅所親見云伏見原無定處而無定數也大學士彭元瑞紀昀敬

釋之曰顧祖禹方輿紀要云三伏三見漢唐諸儒未有此說

蓋發源之處或有伏見之分入河而後未嘗伏而復出也此

言非是蔡氏書傳云濟水性下勁疾故能入河穴地流注顯

伏引趵突阿井爲證蓋故時濟水所經之道隨地皆泉卽隨

地皆濟益足爲無定數無定處之證胡氏禹貢錐指亦云濟

濱所經之地皆有伏流遇空竇卽便涌出不必以入河之濟

濟南府志

卷六

山水一  
歷城一水

三

爲上源亦通論也蓋至此而千秋之論定矣

金線泉在趵突泉東北舊志云石磬方池泉源亂發澄澈見底南

北有金線一道隱浮水面縣志云流往來鶴橋入趵突泉

元遺山濟南行記云金線泉有紋若金線夷猶水面今爲靈泉

菴道士高生妙琴事人目爲琴高留予宿者再進士解飛卿好

賢樂善款曲周密從予遊者凡十許日說少日曾見所謂金線

者尚書安文國寶亦云以竹竿約水使不流尚或見之予與解

裴回泉上者三四日然竟不見也

皇華泉在金線泉東小巷內舊志云一名木魚泉流入趵突

柳絮泉在金線泉東南舊志云泉沫紛翻如絮飛舞

臥心泉在金線泉東縣志云今淤

東高泉在金線泉南舊志云今淤

漱玉泉在金線泉南舊志云流入趵突

無憂泉在趵突泉南漱玉亭北舊志云流入趵突

石灣泉在趵突泉南舊志云玉壺堂西廊下流入酒泉通志云今

塞

酒泉在無憂泉南舊志云流入趵突

湛露泉在無憂泉西舊志云流入趵突

滿井泉在趵突泉北

北煮糠泉在趵突泉西北

北珍珠泉齊乘曰在白雲樓前通志云在城內西北入大明湖舊

志云平地湧泉錯落如珠匯濯纓湖經百花橋入大明湖明在

濟南府志

卷六

山水二  
歷城一水

三

德藩邸中今在巡撫署內康熙甲子十月庚子

聖駕臨幸題清漪二字賜撫臣徐旭齡己巳正月甲申復

臨幸題作霖二字賜撫臣錢珏並立碑鐫

御書於泉之北

散水泉在北珍珠泉東

溪亭泉在北珍珠泉東

濯纓泉在北珍珠泉西

灰泉在濯纓泉東北

知魚泉在灰泉東南

硃砂泉在灰泉西

劉氏泉在北珍珠泉西北

雲樓泉在劉氏泉南舊志云一名白雲泉城內諸泉惟灰泉最大

自北珍珠以下皆匯於此周迴廣數畝乃大明湖之源也

登州泉在趵突泉西角舊志云卽今白龍池縣志云圓通寺側

望水泉在趵突泉西舊志云萬竹園內縣志云卽殷相池亭  
洗鉢泉在馬跑泉西金線正北舊志云流入城河

淺井泉在馬跑泉東舊志云西營城河內

馬跑泉在金線泉東北舊志云上有關聖帝祠前有橋北流入城  
河

舜泉在舜祠東舊志云一名舜井雙井並列世名源源泉蘇半刺  
爲梯修其南一井翼亭其上北一井規入公廡不復名源源矣  
香泉在舜祠西廡下舊志云其水六十年一發發則奔溢滿城道  
生魚鼈明萬歷丁未一見

鑑泉在南門外橋西舊志云池如太極而水更空明可鑑流入城  
河

濟南府志

卷八

山水二  
歷城水

三

杜康泉在舜廟西小巷內舊志云世傳杜康用斯泉釀酒或以揚  
子江水并惠山泉稱之一升重二十四銖是泉二十三銖  
金虎泉舊志云齊乘曰在李承務巷今迷

按齊乘以金虎黑虎俱在李承務巷則二泉相去不遠也

黑虎泉在東南城壕崖下舊志云水出匯爲一池潺湲有聲流入  
城河上有黑虎廟

東蜜脂泉在天鏡泉東舊志云流入灰灣

西蜜脂泉在五龍潭西舊志云流入五龍潭

季感泉在西門內太平寺齊乘曰在季感坊內舊志云南流入寺  
前匯爲一池曲引入僧廚復出垣外達於北渚

寰宇記云季感水在縣北門按三齊記云其水平地涌出爲小

渠與四望湖合流入州歷諸解署西水灤水耆老傳云昔有孝子事毋取水遠感此泉涌出故名孝水天寶六年勅改爲孝感水

歷城新志云齊音謂爲元季子劉琮故宅或未見寢宇記耳

玉環泉在布政司街

羅姑泉在歷城縣治東齊乘曰塌行街東

混沙泉在灰池南舊志云流灰灣入大清河

灰池泉在五龍潭東齊乘曰在城西南角場下

南珍珠泉在城東南壕內舊志云浮若珍珠東注城壕齊乘云鐵

佛巷東

芙蓉泉在府庠前芙蓉街舊志云其水逶迤北流至泮池沈華東

濟南府志

卷六

山水一  
歷城水

諸

太守濬其渠名曰榜雲溪齊乘云姜冢亭前

滴水泉齊乘曰在西務北又名清泉舊志云一在神通寺東峪其

流入錦陽川

灰灣泉在五龍潭東

懸清泉在五龍潭東舊志云一名賢清今名三娘子灣流經于家

橋入大清河

雙桃泉在城西丁字街北舊志云丁字街舖屋下由地中經蜜脂

江家池入五龍潭

溫泉在西門外船巷北齊乘曰在城西石橋北城下舊志云一名

東流水泉旁蔬甲經冬常榮流入城河

汝泉齊乘曰在神通寺舊志云今按神通寺中本無泉惟方丈西

有白龍池或卽汝泉歟然又塞於僧舍下

龍門泉在神通寺東舊志云一名龍泉洞門半掩石龍半露水自中流出入錦陽川

染池泉在神通寺東舊志云流入錦陽川

懸泉在中宮東舊志云流入錦陽川

都泉在中宮東南皇姑寺舊志云溪抱村流爲岱北諸泉之總故曰都其流入錦陽川

柳泉在太微觀西舊志云流入錦陽川

車泉在柳泉東舊志云流入錦繡川

煮糠泉在四里山南舊志云今考山下無泉或卽道旁野井耶鑪泉齊乘云在南山下舊志云今迷莫考

濟南府志

卷六

山水二  
歷城水

壹

白虎泉在大佛山內

甘露泉在大佛寺內舊志云其水涓涓而下匯爲一池味甚甘冽有石鑄天生自來泉五字

林汲泉在佛峪內鈎臺下舊志云泉自壁間飛瀉穿雲度樾而歸於壑最爲名勝

白泉在王舍店東北五里舊志云源廣數畝下灌稻田由曲家莊入壩子河

金沙泉在龍洞西北澗中舊志云一名黃龍潭流入寺中

白龍泉在金沙西北舊志云一名白龍潭流入聖壽院

花泉在張馬泊舊志云泉源數泓周廣數畝一方水利所關流經

耙道河東北入沙河

獨孤泉在天麻嶺下舊志云北流入錦陽川

醴泉在四合寺內

按齊乘云獨孤泉在靈巖寺醴泉在覺堂嶺一在長清一在鄒平舊志以其太遠故以天麻四合二泉易之蓋同名而異地也

漿水泉齊乘曰在盤水鎮東南舊志云今考百尺澗東南亦有以漿水名者每當瀑發聲撼風雷流經荆山入七里河

南煮糠泉在螭山窩北縣志云今涸

苦苣泉在柳埠東南袁洪峪內縣志云一名萬苣泉源遍谷有萬壑爭流之槩流入茶臼河

鬘斗泉在扶山子房庵齊乘曰在梨峪門家莊

濟南府志

卷六

山水二  
歷城 水

美

鹿泉在石固寨後

龍居泉在長城嶺下

齊乘曰歷下名泉總七十二見名泉碑然遠至中宮靈巖諸泉具載而華不注之華泉明水鎮之淨明泉皆失不取況其名亦未甚雅稱蓋殘金俗筆也

舊志云以上七十一泉合章邱百脈泉爲七十二泉明永樂中廬陵晏璧僉憲濟南有咏七十二泉詩無朱砂雲樓鑑泉金虎滴水灰灣汝泉白虎林汲煮糠花泉鑪泉鹿泉乃有朱公等十三泉并章邱之明水泉爲十四泉今以在歷城者詳列於後

朱公泉在黑牛寨前

白公泉在臥虎山後

雙女泉在西務西坡

北漱玉泉在金地院內



南甘露泉在大佛東南

鹿跑泉在都泉東北

胡桃泉在豬頭嶺北

道士泉在大佛寺東坡

清水泉在西務北

黑龍泉卽黑龍潭

魚池泉在汪家亭內

懸珠泉在龍洞口

白花泉在大佛寺東舊志云飛瀉漫流曲盡幽姿流經孤山入錦

繡川

按濟南七十二泉于氏齊乘據金名泉碑載之是也通志去百脈而易以雙忠去滴水而易以不匱秀水吳秋鶴嘗譏之謂旣仍其數當存其目不宜以新名易舊號也茲以齊乘爲主次第一依其舊而以晏氏同異附之蓋歲久淤塞者多故不能盡合云

濟南府志

卷六

山水二  
歷城水

七

天鏡泉在五龍潭南舊志云卽江家池方廣一畝可鑑鬚眉觀察張公鶴鳴改今名流經龍潭入大溝

上水泉在楊家寨後舊志云泉氣陰森沁人肌膚

孟家泉在勞泉東

康泉在齊城峪舊志云流入錦陽川

雙盆泉在高兒莊石崖下舊志云泉冷冷自盆出其味甘寒流入

錦陽川

馬帝泉在馬帝峪華嚴寺下舊志云一名大泉寺廢泉流經孫家

莊入錦繡川

玉泉在龍集寺觀音閣下舊志云涓涓東注龍集獨勝

太極泉在太平寺北舊志云許殿卿讀書處形圓水清流入明湖

惠民泉在布政司街東

段花泉在九塔寺南

响泉在交戰頂西谷中

百花泉在崇興寺前

苦梨泉在黑牛寨前黃尖下舊志云流經羅家峪入雲河

湧清泉在澗峪東石崖內舊志云流入錦雲川

聖池泉在普門寺山門外舊志云清冽澄潔一方攸賴

瀆米泉在瀆米峪內舊志云流入雲河

倘豆泉在塘頭寺門外

胭脂泉在玉泉寺嶺前

聖水泉在九塔寺門外

濟南府志

卷六

山水二  
歷城 水

美

黃廬泉在西營北舊志云雲河一帶之水大半仰給此泉其流經

擒寇峪入錦陽川

枯泉在桃科嶺南舊志云流入錦陽川

玉龍泉在弔枝庵西巖

灰包泉在韓家店東北舊志云流經牖口西入小清

琵琶泉在黃泥溝東北舊志云泉出石間泠泠有韻流至孤山入

錦陽川

琴泉在苦洪峪北舊志云泉聲夜滴如理絲桐齊乘謂泉甲天下

韻琴筑而味肪醴聽此益信

草泉在白泉南舊志云源廣數畝流經灘頭入壩子河

避暑泉在黃苞西南泉子峪舊志云西北入茶臼河

錫杖泉在海螺峪內舊志云流入錦陽川  
勞泉在勞泉嶺後

南薄羅泉在齊王寨後巖下

北薄羅泉在馬帝峪東舊志云泉端有連理樹

菩薩泉在南菩薩庵石崖下舊志云大旱不竭大澇不溢流入錦

### 陽川

鴨子泉在瀆米泉東舊志云流經西營入雲河

冰水泉在岱陰鞞臺舊志云山高陰寒冰積如陵故亦名冰水

臺相傳岱北有頑冰卽此其冰立夏始解北經龍峽入茶臼河

當道泉在梁家莊北舊志云源流深長可資水利流入壩子河

玉漏泉在雲臺寺西巖下舊志云一名天井泉點滴之聲與銅壺

### 濟南府志

#### 卷六

山水二  
歷城水

无

不異

老母泉在堰頭北舊志云其泉日湧寒沙好事者繫石試之莫測

其底流入大清河

長生泉在開元寺前

寶姑泉在大佛寺北頂

試茶泉在茶臼河東壁上舊志云其流飛瀉入茶臼河

雲外泉在函山佛峪

藥珠泉在西佛峪崖上

印度泉在梨峪龐家莊

大泉在大泉嶺上

水簾泉在都泉西南石崖下舊志云一各水簾坡錦陽地多滲漏

非此水助流將不免爲乾壑矣

鎬桿泉在南桃科東舊志云泉飛滋圃爲龍門諸泉之冠  
一勺泉在佛洞下舊志云池僅如盆挹取不匱

水波泉在水峪舊志云流入錦繡川

南山泉在黑龍峪絕巔

冷泉在白泉南舊志云流入灘頭

清泉在道士泉北

漂泉在白泉東舊志云發源迅疾流經曲家莊入遙牆河

惠泉在白泉南舊志云流與冷泉合

團泉在白泉西舊志云流入灘頭

漫泉在冷泉西南舊志云流入灘頭

濟南府志

卷六

山水二  
歷城 水

旱

麻泉在白泉北舊志云流入灘頭

湧泉在神通寺西舊志云瀑布飛懸流入錦陽川

歷城舊志云以上五十七泉雖非通志所載然皆邑里艷稱親  
履其地考證無訛其泉佳而名不著者尤不下百餘泓也

華泉在華不注山下歷城舊志云齊頃公取水於此三齊記云歷

山下有無底井與此泉通今泉源淤塞不流

齊乘曰欽嘗擬會波樓記畧云濟南山水甲齊魯泉甲天下蓋  
他郡有泉一二數此獨以百計濤噴珠躍金霏碧渟韻琴筑而  
味舂醴不殫品狀在邑者滄市之半在郭者環城之三碁布星  
流走城北阪匯于水門東流爲濼並於汶過于時入于海可槩  
見矣

按齊乘譏金人七十二泉碑失華泉不取或云名泉碑有花泉在張馬泊花與華古今字耳未知是否俟考

大比泉在貢院提調道門內有明成化年碑

雙忠泉在雙忠祠內有督學翰林編修趙申季記縣志云流入明

湖

灑泉在院署珍珠泉東秀水朱竹垞有記

雪泉在藩署名士軒南北平翁覃溪有記

不匱泉在濟東道署內有僉事宋廣業詩督學趙申季題跋翰林

待詔安邱張貞記

白石泉在南門外東城壕北崖乾隆甲寅江方伯因旱濬泉雨後

湧出曲阜桂馥有記

濟南府志

卷六

山水二  
歷城 水

聖

壽康泉在南門外西城壕南崖

七十三泉在五龍潭西穿地爲池有泉湧出江家池水注之遂成

趵突曲阜桂馥有記

按齊乘言濟南泉以百計茲就歷城言之載名泉碑者七十

一明僉事晏璧增以十三舊縣志又增五十七而華泉以下

續附者九總一百五十一泉云

舜井卽舜泉也在祠東舊志云井北十餘步復有一井泉穴相通

世傳卽當日湧出之匿孔也

按水經注云城對南山山上有舜祠山下有大穴謂之舜井

抑亦茅山禹井之比矣

神異井在神通寺東廊下舊志云寺舊無水朗公入定聞地有水

聲命弟子掘之果得甘泉

羅姑井卽羅姑泉在歷城縣治東縣志云一方井水皆苦惟此獨甘井上有亭今圯

感應井在北極臺下舊志云城北面濱湖水味多鹹此井獨甘鄒襲有記

朗公井在城東南三十里老君崖下

甘露井在大佛山卽甘露泉

陳公井在十里河縣志云陳令采建

華家井在布政司西

胡千戶井在縣治後

張公井在王官莊

玉環井卽玉環泉

泮池在府庠前縣志云芙蓉泉水來注之向貯太湖石其中後移

濟南府志

卷六

山水二  
歷城一水

壘

於外因植荷花縣庠亦有泮池然無水

飲馬池在都司北縣志云池有芙蓉堤出文廟東俗呼疊道云

白龍池在趵突泉西圓通寺側

江家池在五龍潭前

大方池在大明湖內

房家園池在城隅北縣志云齊博陵君豹之山池也今廢

瞽女池縣志云劉廷式娶瞽女三飲而生三男

雲錦池在雲莊縣志云今廢

五龍潭在西門外五龍宮東縣志云潭深不測疑有蛟龍大旱攬

潭往往得雨

黑龍潭白龍潭黃龍潭三潭俱在龍洞

百花洲在百花橋下縣志云方黃數十畝而居民廬舍圍旋較之北湖更饒韻致其北卽鵲華橋

歷水陂在華不注西縣志云引水溉田水經謂之歷水陂

老龍灣在城東三里縣志云其水冬夏不竭

迴龍灣在濯纓湖縣志云繞土山西注鍾此出達百花橋

三娘子灣在西門外東流水北縣志云世傳有女子三人齊墜於

此故名

賀家灣在靜居寺東

灰灣在五龍潭東

曹家灣在全家河東

老兒灣在新開口東北

丁香灣縣志云未詳其處李于鱗有詩

龍灣在茶臼河上縣志云一名龍峽

濟南府志

卷六

山水二  
歷城 水

三

劉虎灣在柿子園東

楊家灣在婁家四戶西

先生灣在楊家灣北

李家灣在王野戶南

長灣在全節河東

娘娘灣在紙吳莊南

龍泉灣在龍泉寺前

三岔灣在杜家四戶南

季家灣在小周莊西南

按歷城舊志以三川附泉井之後未免錯出不倫今移川於前而以泉井池潭陂灣之屬殿於末則次第釐然矣

章邱 水

小清河在章邱縣北三十里詳總敘

通志云按小清河本濟水故道濟水自歷城而下卽會巨合水

入章邱而東今大清河自歷城以下東北行濟陽者乃古潔瀆

也自宋熙寧開大河奪濟由潔瀆而趨東北入海於是章邱以東之故道日微因分名大小清河而不知小清乃古濟之故道考水經注則源流自見今水總所志乃就現在小清河運行之源流故云今自東陵山水北流實非小清源此也

章邱新志云按獺河非潔水辨已見前篇古之獺水注小清而今之小清反以獺水爲源則水道遷徙無稽之迹不同也小清舊河由歷城入章邱徑鄒平新城高苑入滄濟濟水故道宋熙寧十年大河決水匯梁山泊分二派其北派流入北清河卽濟水至歷城東北又舍北清河渠挾北清河水走潔水故渠中至濟陽齊東青城濱州以下又舍潔渠入大河舊道注海金明昌五年大河決又循此道於是北清河水終由潔渠而歷城章邱

濟南府志

卷六

山水二  
章邱水

四

界中濟水之經流微矣劉濠堰灤水東行濟渠合巨合芹溝百脈獺河諸水以成川於是人謂行濟陽齊東者爲大清河謂行歷城章邱鄒平者爲小清河矣齊乘云小清爲運鹽河明廿一驥議云鹽河東一支屬樂安批驗所爲小清河出趵突泉流古明湖經華不注山龍山又經章邱鄒平長山新城高苑博興此鹽河東一支通海滄高家港十一場之鹽利者也又劉珣許成名小清紀畧云永樂時小清河水失其經壞民廬舍不可數計成化癸巳大參唐瀆請於巡撫御史牟倬濬小清自歷城而東由四風牖西轉而北又東經老僧口莊中又東北經鄭社馬頭北又東北經趙官橋南至水寨入章邱界又東北至薛渡口一支東向從柳塘口東南經段家橋入鄒平至樂安入海此小清



之正派也一支向北從薛渡口經滾水壩入齊東減河注大清此小清之分流也水復故道出章邱迤東諸縣膏腴可耕之田數萬頃自嘉靖癸巳小清自博興迤西及清水獺水皆決巡撫袁宗儒率所屬開小清自博興達歷城計三百里據此則小清自金元及明之嘉靖雖時有通塞而尚屬通流成化以後十一場支河乾涸商旅不行樂安批驗所裁革小清運鹽之道始就湮塞嘉靖以後灤水自歷城東北之堰頭決入大清龍山之巨合章邱之芹溝清河亦皆北決入大清於是小清自章邱以西遂無上游而自歷城經章邱之舊道終廢此小清舊河之源委也舊河旣廢惟獺水仍復東北行注鄒平迤東小清故道於是章邱之獺水獨專小清之名順治四年山水驟發不循故道獺

濟南府志

卷六

山水一  
章邱水

壘

水決萬家口水勢橫流入許山灤鄒平長山新城歷遭水患康熙五年獺水復溢巡撫張親臨踏勘尋源究委開濬舊道議建灰壩以杜新口之瀾漫未果巡撫錢公珪始舉其役二年而工成塞萬家口沿河皆築大堤以束其勢戊辰鄒平知縣程素期以民閒願開萬家口白上官甲戌巡撫桑允其請開萬家口設滾水壩水平則由段家橋小清故渠水漲則由滾水壩洩水四五分入新決河注許山灤鄒民便之今萬家口北故道淤高河堤盡潰萬家口之流益迅速盡由決河入許山灤至鄒平之柴家橋西趨小清故渠東行入樂安此小清現在之水道也

清河在章邱城東一里舊志云一名繡江源出百脈泉會淨明麻灣諸水逕章邱城東一里許北行舊入小清河今西北行至濟

陽城南入大清河通志云自百脈泉會東西麻灣之水西北逕章邱縣城東繡江橋遶女郎山後西逕水寨折而北有王母河水入之又北至新莊入齊東縣界爲壩河又北逕余家莊入大清河

章邱新志云按繡江源自明水鎮東百脈泉北流至錦江橋南右納東麻灣水北流經鎮東折而西北流至沙河口南左納西麻灣水又西北至三盤磨莊左會瓜漏河又北經縣城東折而西北經水寨西又北至王家橋左納白雲湖水又東北經清口西卽昔時入小清處也又北流經延安鎮西注於大清河此河縱橫章邱境內百餘里居民灌田疇置水磨種稻植荷受其利者甲於他邑

濟南府志

卷六

山水一  
章邱水

吳

獺河在章邱縣東五里舊志云一名楊緒水源出長白山之陽及太湖山陰羣谷之水合流逕章邱城東七里東北流至柳塘口入小清河縣志云在縣東五里山頭店東俗名東瓜漏河爲繡江之支流附近民田多受灌溉之利上游山泉五十有餘下游鄒平新城爲害者皆積雨暴溢非河之本水也

水經注云濟水又東有楊緒溝水出逢陵故城西南二十里西北逕土鼓城東又西北逕章邱城東又北逕甯戚城西而北流注於濟水也

齊乘云章邱縣東七里楊緒水一名獺河水經云出逢陵故城西南逕章邱城北入濟水今按獺河出長白山之王村峪逕章邱東北入小清河

舊志云章邱志以爲卽濟漯之漯按水經注云漯水出東郡武陽縣又名武水與章邱之獼原不相侔祇以漯獼同音故啟後人疑端耳今禹城別有漯河故迹

按章邱新志云獼河源出野狐嶺之石門村以齊乘爲誤

瓜漏河在章邱縣西南七里舊志云源出章邱縣西南羣峪中水清而駛東北流遇石崖而止土人名其處爲滲水灣夏秋積雨羣峪之水磅礴而下衝激巨石運行如沙水盈尺行人阻焉至城南七里會于清河雨霽復枯自滲水灣以北至月宮枯河崖側忽顯一泉又東北四十里至于明水則湧百脈麻灣諸泉驗之色味悉同皆昏陰之伏流也西有渴馬崖之伏則顯趵突東有滲水灣之伏則顯百脈盈縮固有然耶若其暴溢則潢湧耳

濟南府志

卷六

山水二

章邱 水

畢

非河之本水也通志云水出平頂山下東北逕滲水灣伏而再見爲百脈泉縣志云土人知其爲河之滲漏而不知爲濟之伏也禹貢導水東流爲濟齊州正濟所經若灤水若是河蓋皆濟水之旁出者

王母河在章邱縣西北二十里盧家寨通志云陂水匯流

落坡河在章邱縣西北五十里縣志云西起羅家莊東北坡地勢窪下恒有水患康熙年邑令史在篇度量高下疏河自牛家窪起至郝家溝計長二十七里北注繡江而入大清河邑人德之爲立祠因名史公河有焦毓棟碑記年久淤塞復失故道乾隆十七年巡撫鄂咨詢水利知縣張萬青議請開濬暢流如故

乾河在章邱縣東南二十五里明水鎮東北縣志云源自朱家峪

西北流注繡江

土河在章邱縣西北七十里臨濟鎮東北縣志云宣洩臨濟鎮北諸坡行潦之水東北行至西柳寨入齊東界注繡江

枯河在章邱縣西北七十里土城東北縣志云卽舊大清河南屬章邱北屬濟陽俗云一圜二里十八莊

瀑水故道章邱新志云瀑水自黎陽宿胥口受河水東北入海此大禹舊跡也周定王五年河行漯川至長壽津始舍漯渠別行漢成帝建始末河決館陶由東武陽絕漯水東北至高唐又絕漯水漯之上游蹙矣水經云漯水又東北經著縣故城南又東北經崔氏城北又東南經東朝陽故城南又東五里經漢徵君伏生墓南此濟陽以東章邱漯水故渠也又東經鄒平縣故城

濟南府志

卷六

山水二  
章邱水

吳

北又東經東鄒城北漯水經黃河數亂其流而水始涸酈道元注水經時已經輟流宋熙寧十年大河挾濟渠之水自歷城東北入漯水故道爲大清河濟陽至濱州二百里內時行漯渠亦時由決道禹貢錐指以大清爲專行漯渠猶不盡合齊乘竟指大清爲濟水故渠謬矣

百脈泉在章邱縣南三十里明水鎮舊志云方圓半畝其源直上百脈沸騰狀如聯珠清瑩寒冽卽繡江源也縣志云按水經濟水自臺縣東北合芹溝水又東北過菅縣南而道元注云右納百脈水百脈水出土鼓故城西水源方百步百泉俱出故曰百脈西北流逕陽邱縣故城中又西北出城北逕黃巾固又東北

流注於濟

齊乘云百脈水水經出土鼓縣故城西元和志出亭山縣東北亭山在府城東南九十里源方百步百泉俱發故曰百脈卽繡江源也郡國志云十二斤溝俗名麻灣出章邱縣南明水驛明水一名淨明泉出百脈西北石橋邊其泉至潔纖塵不留土人以洗目退昏翳與西麻灣水合流三里餘入繡江乃東北流逕東陵山漸章邱東城又北入小清河

墨泉在章邱縣西北十里閻馬莊南縣志云以水色如墨故名道濟三泉在章邱道濟門外縣志云西城苦無泉乾隆二十年知縣張萬青疏濬濠塹湧出三泉今涸

涼水泉在章邱縣南八十里車廂莊西

汨輪泉仰泉竝在章邱縣南九十餘里三槐樹西

濟南府志

卷六

山水二  
章邱水

晃

聖水靈泉在章邱縣胡山東縣志云泉出山半流入石井中不溢不涸禱雨輒應形家謂之地池又謂之衛龍有臬司黃炳碑記清水泉在章邱縣明水鎮西縣志云方塘澄澈西北流注繡江

淨明泉一作明淨在章邱縣百脈泉西二里許堂子莊眼明王廟前縣志云其泉至潔纖塵不留土人取以洗目東流注西麻灣河

章邱舊志云徐壁論濟水分支伏流地中至縣西南出爲瓜漏河至濬水灣乃伏入地中至是始出而爲四泉合而北流至清河又北流至城東爲繡江西北至水寨會爲白雲湖又東北入小清河始與濬水會又東北入大清河乃復濟之本源云

金鏡泉在章邱縣明水鎮東康氏猗清園內

七女泉在章邱縣東南四十里閻家峪縣志云久旱不涸北流入  
瀨河

南盤泉在章邱縣南三十里盤泉寺內縣志云平地湧出西北流  
入瀨河

古海泉在章邱縣東南四十里海套園縣志云泉源百出南流入  
瀨河

硯池泉在章邱縣東南三十里池子頭縣志云方塘清冽北流入  
瀨河

池涼泉在章邱縣東南七十里天倉嶺西南縣志云東南流入玉  
莊河

雙井泉在章邱縣東南九十里魚窪莊南縣志云東流入王莊河

濟南府志

卷六

山水一  
章邱水

辛

乍忽泉在章邱縣魚窪莊南縣志云東南流入王莊河

報效泉在章邱縣東南九十里野狐嶺內縣志云泉源湧出西南  
會雙井乍忽二泉經王莊西南流入泰安襄裏河

榆科泉在章邱縣西南七十餘里榆科東南縣志云泉源澆發入  
巨合水

拔槩泉在章邱縣西南百里縣志云泉出山半涓涓不息下有漿  
水泉

東麻灣泉在百脈泉左百餘步縣志云泉源湧沸上出西流匯於  
百脈泉

西麻灣泉在百脈泉右三里許縣志云泉自石壑中湧出東北流

匯於百脈泉按郡國志卽芹溝水

巨合水在章邱縣西南七十里已見歷城

章邱新志云按水經云巨合水南出雞山者誤也出雞山者係關廬水上源考巨合源出章邱縣西南百里長城嶺之拔槩泉西北流經完糧峪榆科泉東虎門莊中又西北流至大龍堂會諸峪之水又西北流至兩全河經小龍堂至講書院東入歷城界在章邱界內行六十餘里又北流經擡頭東龍山鎮西與關廬水武原水合又西北爲全節河以全節城而名也又西北至四風牖北卽昔時巨河注小清處也今則經鴨王口北西北流入壩子河又西北入大清河

武原水在章邱縣西南五十里已見歷城

章邱新志云按譚城南泉水枯竭地已成膏壤其上源行潦之

濟南府志

卷六

山水二  
章邱水

五

水有二支一支自北曹范西峪北流至南羅莊北一支胡廬套東東北流至南羅莊北匯爲一支北流折而西北與巨合水會關廬水在章邱縣西南六十里

水經注云巨合水又北合關廬水水導源馬耳山北逕博亭城西西北流至平陵城與武原水合

章邱新志云按關廬水出雞山圈之雙水泉西北出口又北流會馬頭山東麓之長水北流在章邱境內行二十餘里入歷城界又北經龍山鎮東納武原上源水又西北流會於巨合土人謂之會川河亦名龍山河

白雲湖在章邱縣西北七里舊志云一名劉郎中陂周圍六十里

古今洞

章邱舊志云在縣西北七里許周圍六十里產有魚藕菱芡蒲葦之類洪武十四年設河泊所置小船一百一十隻歲辦課鈔共一千一百貫十七年因課少裁革附舊軍鎮稅課局收納正統五年奉文在工部勘合查出續添小船二百四隻歲增課鈔二百四十貫湖今枯竭稅課大使缺亦久裁湖田涸出爲耕稼地

李開先濬渠私說云章城西北有湖一區名曰白雲湖東接清河諸山七十二峪西灌鸞女溝七十二渠谿谷縷注衆水潄而爲湖白雲英英出其中湖因以名重青淺碧拖練揉藍嘗游於湖心山如錦屏天如華蓋信爲一方之浩壤而三齊之水府也白水澤漸消去城微遠湖中有蒲葦菱芡魚鱉之利但逢夏秋

濟南府志

卷六

山水二  
章邱 水

壑

之際山水泛漲湖不能容北流里許至水寨鎮西逕入小清河之北岸有古牖一處借蔣家口北道鹽河古道轉而之東民資灌溉自古牖損壞西衝一口其水盡入蔣溝灌溉失望後挑月渠以洩湖水屢修屢壞此必置牖下椿方爲經久之計且免偷決之患

章邱新志云按白雲湖介在歷章之間歷城得湖之七章邱得湖之三今湖水漸竭惟湖心尚生蘆葦

聖井在章邱縣東十里聖泉寺縣志云味甘冽西流入獺河

上方井在章邱縣東二十里縣志云水從石罅流出冬夏不竭有鄭康成祠祠內有古柏二株又有下方井去上方井南一里其

泉盈滿不流



陳愷溝在章邱縣北三十五里通志云明成化閒邑人陳愷鑿此溝以洩小清河之水由西北入齊東縣減水溝達於大清河今塞

張公池在百脈泉南之龍泉寺大悲閣南縣志云縣令張萬青有惠政邑人德之鑿此池以志遺愛故名

龍灣在章邱縣東南十五里相公莊西北縣志云遇旱不竭流入獺河

長川玉帶河竝在康氏猗清園內長川源自明水鎮南廟溝泉來夾川竹木千章金鏡泉玉帶河北流會之注繡江

按章邱之水以河名者九以水名者四以湖名者一而出水之泉二十一并池灣溝井之屬並列於篇爲舊志補其缺云

### 濟南府志

#### 卷六

山水二  
鄒平水

壘

#### 鄒平水

小清河在縣北十三里詳總敘

縣志云今小清河以章邱獺水爲源卽水經注所云楊緒溝水

也獺水至章邱城東北萬家口分支東入澣山灤其經流又北

至柳塘口東南屈逕鄒平羅圈莊北折而南又折而東逕段家

橋許家道口成家莊宋家莊孫家厓又東清河溝引澣山灤水

入之又東北逕上口王駝莊沙河水分之又東北至舊口西猪

龍河入之又東北入長山界此現在形勢也又云獺河古謂之

楊緒溝水水經注楊緒溝水出於陵故城西南西北逕土鼓城

東又西北逕章邱城東又北逕甯戚城西而北流注於濟水齊

乘云獺水出長白山之王村谷今章邱城東六里山溪是也小

清自歷城達鄒平之舊河既廢惟楊緒溝水仍復東行注鄒平界中小清故渠於是獺水獨專小清之名矣

國朝順治四年獺水決章邱萬家口入澗山澗出環河溝至柴家橋西乃趨小清河渠康熙乙丑獺水復溢巡撫張公鵬欲修復小清河渠塞新決口未果巡撫錢公珏始舉其役二年而工成塞萬家口沿河皆築大堤以束其勢戊辰知鄒平縣程素期以民間願開萬家口白上官甲戌巡撫桑公格允其請開萬家口設滾水壩水平則由段家橋小清舊渠水漲則由滾水壩洩水四五分入新決河注澗山澗鄒民便之今故道漸淤萬家口之流益迅遂盡由決河入澗山澗出環河溝至柴家橋西趨小清故渠委曲東行右納沙河豬龍河白條溝諸水又東北入長山

濟南府志

卷六

山水二  
鄒平水

蓄

界

沙河在縣西一里通志云齊乘謂之蒙水源出會仙山之大峪莊逕城西至對門口南岸入小清河今淤縣志云一名黛溪摩訶山與山東回路谷諸澗泉之水至印臺于茲兩山之間折而北行逕城南繞西郭又西北至對門口入小清河齊乘云瀧水北逕長山西又北逕鄒平縣東蒙河水入焉蒙水俗曰沙河出長白山葫蘆谷水經謂之魚子溝考瀧水在今鄒平城東三十里外卽瀧水故道亦在今城東北二十里外沙河自鄒平城南屈逕城西而北入小清烏能入瀧水乎且水經注所言入瀧水者乃萌水之出自淄川者非蒙水也又水經注所言魚子溝其源出淄川西界長白山之陽逕於陵故城西北流注於瀧亦沙河

出鄒平西南長白山之陰齊乘乃又云沙河水經謂之魚子溝  
尤誤

白條河在縣東七里通志云一名魚子溝源出會仙山東柳泉口  
三十五里逕舊口莊西郭家口南岸入小清河今於縣志云白  
條河乃南山之澗也至城南柳泉莊鑑阜莊爾澗合流有泉出  
渠中曲流至黃山東南如月半規因又名月河又北逕城東七  
里舖東折而西北入猪龍河長白山錄以白條河爲魚子溝非  
也

澗山澗在縣西二十里通志云自章邱縣之萬家口水溢灌入成  
澗周四十里至清河溝仍入小清河縣志云在城西十五里九  
龍山西周迴三十餘里諸山澗水匯而爲澤獺水復自萬家口

濟南府志

卷六

山水二  
鄒平 水

五

注之魚鳥宅焉萑蒲生焉每夏秋之間荷香出水漁棹礙林南  
望長白諸峯湧螺點黛醴泉古剎隱現於參差烟樹中儼成粉  
本又云澗山澗中一臺巋然雖湖水漲發臺基不沒

長白山錄云澗山澗在九龍山西醴泉寺北中多芙蓉菱芡芡  
蘆魚蚌之屬漁舟虎落交於山麓周迴三十里蓋深水之委也  
澗中有墨王亭

灑水舊志云牟婦河卽隴水也水經注作籠水寰宇記云古名牟  
水出益都縣顏神鎮牟婦祠下北逕淄川城西南般水右注之  
又北至長山縣界萌水左注之又北逕長山縣西北逕鄒平縣  
界東北逕新城高苑界入麻大泊至博興南匯時水與小清河  
合流入海縣志云灑水源自博山縣顏文姜祠故又名牟婦河

至城東北三十里毛張莊南自長山界流入縣境莊北數里又入長山界

豬龍河縣志云源出長山坡南白雲山北楊家谷自城東北十八里魏家莊東南入縣境逕舊口莊南屈逕其莊西入小清卽灤水故道也

八會津元和郡縣志云景龍元年於梁鄒城置濟陽縣八會津在縣南一里相傳水陸所湊其路有八故名

白雲湖縣志云按張中丞鵬再濬小清議云順治四年獺水自萬家口決入嶺山梁水行八里至對門口又東會沙河其勢益悍竟決小清故道直趨白雲湖而鄒平東北遂罹水患矣王文簡公謂白雲湖爲章邱劉郎中陂鄒平不應有此湖不知此乃

濟南府志

卷六

山水一  
鄒平水

美

新白雲湖在孫家鎮東非章邱之劉郎中陂也

黃河故道詳總敘

縣志云黃河入古鄒平界中者而今所謂徒駭河非禹貢徒駭之舊跡乃漢代大河之決道俗呼爲土河者也漢建始河平中大河自館陶平原兩決入濟南千乘而塞治仍復其舊王莽時大河復決於此漫漶不治者六十年至後漢永平十三年王景自滎陽修渠築堤至千乘海口千餘里使大河卽由決道而行由是歷漢唐及宋河由決道者九百七十餘年宋仁宗明道二年詔徙淄州臨河鎮以避水時黃河決入濟水自薛渡口挾濟水決出支河由鄒平臨河鎮泛溢東行至慶歷八年河決商胡廢京東故道而鄒平黃河之漕遂空又云臨河鎮元代猶隸鄒

平明初割入齊東

漯水故道縣志云漯水自黎陽宿胥口受河水東北入海此大禹舊跡也周定王五年河行漯川至長壽津始舍漯渠別行漢成帝建始末河決館陶由東武陽絕漯水東北至高唐又絕漯水漯之上游蹙矣水經云漯水又東北逕崔氏城北東南逕東朝陽故城南又東五里逕漢徵君伏生墓南又東逕鄒平縣故城北又東北逕東鄒城北此濟陽以東漯水舊渠也漯水經黃河數亂其流而水始涸鄆道元注水經時已云輟流宋熙寧十年大河挾濟渠之水自歷城東北入漯水故道爲大清河濟陽至濱州二百里內時行漯渠亦時由決道禹貢錐指以大清爲專行漯渠猶不盡合齊乘竟指大清爲濟水故渠謬矣又云崔氏

濟南府志

卷六

山水二  
鄒平 水

七

城濟陽城南土城鎮東朝陽故城齊東城西南魏王城伏生墓疑寄鴛冢是鄒平故城今治北孫家鎮東鄒城疑城在北苑溝鎮是

濟水故道縣志云濟水故道之在鄒平者凡有三渠其北渠爲宋時決道宋史仁宗明道二年詔徙淄州之臨河鎮以避水臨河鎮在今齊東西南四十里元代猶隸鄒平鎮有至元三十一年元武廟碑云鎮北爲古黃河津渡之處其題名皆鄒平職官此係大河決入濟渠至章邱薛渡口又挾濟水決出支河由臨河鎮逕今鄒平孫家鎮南之河溝者也其南渠西承灤水逕章邱至段家橋入鄒平界委曲逕舊口古城坡之南屈而東北折入長山界此唐時濟水南徙之道劉豫因濟水北決獨堰灤水東

行使由此渠今小清所行之道是也其中渠在南北二渠之間而去南渠甚近在梁鄒故城之北河形上承歷城章邱逕鄒平達高苑樂安隱顯斷續確有可指證之水經元和志城址道里方向無不吻合乃濟水古渠也

時水枝津故道縣志云漢書齊郡臨淄縣注云如水西北至梁鄒入濟水經注濟水篇云時水卽如水也亦謂之源水俗又謂之黑水西北逕西安縣故城南又西至石洋堰分爲二水其枝津西北至梁鄒入濟又瓠子水篇云時水卽郚水也地理志曰如水時水自西安城西南分爲二水其枝津別出西流德會水注之又西逕東高苑城又西蓋野溝水注之又西逕高苑縣北又西逕高苑縣故城南又西北至梁鄒城入於濟按時水今名烏

濟南府志

卷六

山水二  
鄒平 水

渠

河西安卽新城之索鎮今自索鎮西至長山苑城鎮南廢河一綫委曲西赴亦時時有小水斷續不常土人猶呼爲烏河其形勢直達舊口東北此爲時水枝津無疑也水經云濟渠至梁鄒縣東北分爲二其東北者爲濟河其東者爲時水鄆道元注云時來注濟非濟注時也又云宋史金史地理志鄒平縣皆注云有系河卽古所云時水枝津也系水入時故人亦呼時爲系耳明嘉靖時瀧水大決上官疏瀧水之泛濫東至鄭覺溝於是苑城南時水枝津不復西注矣杜氏左傳注云時水於樂安枝流早則竭耗爲春秋之乾時也據此知時水枝津自古多竭而金元以後乃終絕云

醴泉在覺堂嶺北通志云有醴泉寺縣志云醴泉寺東石壁下方

池一泓味甘色白石上鑄醴泉二字

范公泉通志云宋范仲淹讀書時另出一泉名范公泉縣志云上書堂側巨石環抱泉涓涓出巖下承以石坎文正公嘗讀書於此故名

靈泉縣志云在城西南二十里泉水甘冽冬夏不涸原有寺久圯遺有螭頭題曰靈泉寺碑記

乳泉縣志云出富相山西麓色白宜茗徐政有記

聖水泉在縣西十五里通志云旱禱輒應舊志云遇旱取水祈禱有應縣志云在九龍山第七峯畔亦名聖水井禱雨輒應

柿泉縣志云在黃山之陰張少保華東免柴中巨石下

魯泉縣志云在玩湖頂下林壑清美泉水尤甘有成氏別業見長

濟南府志

卷六

山水二  
鄒平 水

五

白山錄

玉泉縣志云在緒果洞南長白山錄云玉泉庵亦有甘泉

坎泉縣志云在黃山虎頭巖下

瀑布泉縣志云在摩訶山半石壁上瓊泉飛下望如噴雪

秋月泉縣志云在黃鵠山西張實居有探泉詩

按鄒平之水舊志缺畧不全茲據通志及縣志錄之以河名者四以澗名者一以湖名者一以津名者一以泉名者十一而黃河漯水濟水時水枝津之故道附焉

